传世名著百部之 人物志 政训 康熙政要

《人物志》是我国一部辨析、评论人物的专著。刘邵撰述。约成书于曹魏明帝统治时期(227—239)。作者在自序中阐述撰著目的:"夫圣贤之所美,莫美乎聪明,聪明之所贵,莫贵乎知人,知人诚智,则众材得其序而庶绩之业兴矣。"魏时文帝曹丕接受陈群建议,用九品中正制选拔人材。该书即是在推行九品中正品评人物、选择人材的大背景下形成的专著,旨在为推行九品中正制在理论上提供依据,在实践上总结经验,以推动这一制度的发展和完善。十六国时刘昞为之作注,重在"疏通大义,不沾沾于训诂,文词简括"。其后流传既久,传本颇多谬误。明万历甲申(1584)河间刘用霖用隆庆壬申(1572)本旧版合官私书校之,去其重复,成为定本。今有《汉魏丛书本》、《明万历刘氏刊本》、《四库全书本》、《四部丛刊本》等。其书自《隋唐·经籍志》以后皆列于名家,《四库全书》则归入子部、杂家类一

刘邵(生卒年不详),字孔才,邯郸(今河北邯郸市)人。魏建安中为计吏。黄初中为尚书郎、散骑侍郎。明帝太和初,出为陈留太守,征拜骑都尉。正始中执经讲学,赐爵关内侯。卒,追赠光禄勋。刘邵学问渊博,通天文、律令,文学也有高深造诣。著作除《人物志》外,"集五经群书,以类相从,作《皇览》,与议郎庾嶷、荀诜等定科令,作新律,著《律略论》,受诏作《都官考课》七十二条,又作《说略》、《乐论》,《法论》等书。并作《赵都赋》、《许赋》、《洛都赋》等,皆寓讽谏之意,有一定文学价值。

《人物志》分上、中、下 3 卷,12 篇。上卷包括九征,体别,流业,材理;中卷包括材能,利害,接识,英雄,八观。下卷包括七缪,效难,释争。以《九征》"禀阴阳以立性,体五行而著形"为纲,对人的形质、才性、才能、资质以及如何辨析、任用等问题开展详尽的论述。

《人物志》每篇讲一个问题。首先讲《九征》。他认为人物的性情由于 人的禀气不同,从形态展示,共有九种。其中以中和之质为最贵。"凡人之 质量,中和最贵美。中和之质,必平淡无味。……是故观人察质,必先察其 平淡而后求其聪明。"他把儒家中庸之道作为观察人的最高道德标准,并以 此来定评人物。第二讲《体别》。他认为不同的人有不同的性格,有不同的 优点和不足,用人者要知其所长,明其所短。并由此分析了十二种人的性格 和优缺点。第三讲流业。他认为人的流品大略有十二种,据其不同,可以任 命他们担任各自不同的职务。如法家,立宪垂则,可以任司寇。口辩家,应 对给捷,可以任外交。第四讲《材理》。他认为人的材质既不同,理智也不 同。应加鉴别:理有四部,明有四家,情有九偏,流有七似,说有三失,难 有六构,通有八能。第五讲材能。他认为人的材能有大小,应量其力而任其 职,才能人尽其能,收到良好的效果。如宽宏的人,可以任郡国守、相。如 国君以用人为能,能听话为能,能行赏罚为能;臣子以承担本职工作为能, 能说话为能,能行动为能。第六讲利害。他认为除清节家外,其他各家都有 利弊,利于国家,害及自身。如"法家之业,本于制度,待乎成功而效,其 道前苦而后治,严而为众。故其未达也,为众人所忌,己试也,为上下之所 惮。其功足以立法成治,其弊也为群枉之所仇。其为业也,有敝而不常用, 故功大而不终。"第七讲接识。他认为一流之人能识一流之善,二流之人能 识二流之美,尽有诸流,则亦能兼达众材。第八讲英雄。他认为"聪明秀出 谓之英,胆力过人谓之雄"。"徒英而不雄,则雄才不服也;徒雄而不英, 则智者不归信也。故雄能得雄,不能得英;英能得英,不能得雄。故一人之 身兼有英雄,乃能役英与雄,故能成大业也。"第九讲八观。他认为人们的 才智各异,考察他们有八种方法。"一曰观其救夺,以明间杂;二曰观其感 变,以审常度;三曰观其志质,以知其名;四曰观其所由,以辨依似;五曰 观其爱敬,以知通塞;六曰观其情机,以辨恕惑;七曰观其所知,以知其长; 八曰观其聪明,以知所达。"他认为对各种人物要仔细辨析,有时似是而非, 如"直而讦者偏也。"有时似非而是,如"大权如奸而有功,大智如愚而内 明。"第十讲七缪。他认为对人物的考察是极其复杂的,往往出现七方面的 谬误。"一曰察誉而偏颇之缪;二曰接物有恶之惑;三曰度心有大小之误; 四曰品质有早晚之疑;五曰变类有同体之嫌;六曰论材有申压之诡;七曰观 奇有二尤之失。第十一讲效难。他认为知人的效能有二难。有难知之难,有 知之而无由得效之难。为什么无由得效呢?原因是多方面的,"上材己莫知, 或所识者在幼贱之中未达而丧,或曲高和寡,或身卑力微,言不见亮。"他 概叹说:"须识真在位,百不一有也。"第十二讲释争。他认为争则两败俱 伤,和则两利。他举例说:"并辔争先而不能相夺,两顿俱折,而为后者所 趋。"他教育人们,"知屈之可以为伸,故含辱而不辞,知早让之可以胜敌, 故下之而不疑,及其终极乃转祸而为福,屈仇而为友,使怨仇不延于后嗣, 而美名宣干无穷。

《人物论》以儒家的中庸思想作指导,用两点论的方法从正反、利弊、优劣、得失诸方面细致地剖析人物,在当时为推进九品中正制选拔人材,开启魏晋士大夫品鉴人物的清谈之风有一定作用;对后世如何观察甄定人物,也有一定的借鉴作用。

全文及大意

《人物志》序

阮逸撰

人性为之原,而情者性之流也。性发于内,情导于外,而形色随之。故邪正态度,变露莫状,溷而莫睹其真也。惟至哲为能以材观情、索性、寻流、照原,而善恶之迹判矣。圣人没,诸子之言性者各胶一见,以倡惑于后、是俾驰辨斗异者得肆其说,蔓衍天下。故学者莫要其归,而天理几乎熄矣。予好阅古书,于史部中得刘邵人物志十二篇,极数万言。其述性品之上下,材质之兼偏,研幽摘微,一贯于道,若度之长短,权之轻重,无铢发蔽也。大抵考诸行事,而约人于中庸之域,诚一家之善志也。由魏至宋历数百载,其用尚晦而鲜有知者。吁!可惜哉。矧虫篆浅技,无益于教者犹刊镂以行于世,是书也,博而畅,辨而不肆,非众说之流也。王者得之,为知人之龟鉴;士君子得之,为治性修身之檠栝,其效不为小矣。予安得不序而传之。媲夫良金美玉,籝椟一启,而观者必知其宝也。

《人物志》自序

【魏】刘邵撰 【凉】刘昞注

夫圣贤之所美,莫美平聪明。天以三光著其象,人以聪明邵其度。聪明 之所贵,莫贵乎知人。聪于书计者,六艺之一术。明于人物者,官材之总司。 知人诚智,则众材得其序,而庶绩之业兴矣。是以圣人著爻象,则立君子小 人之辞。君子者,小人之师。小人者,君子之资。师资相成,其来尚矣。叙 诗志,则别风俗雅正之业。九土殊风,五方异俗,是以圣人立其教不易其方, 制其政不改其俗。制礼乐,则考六艺祗庸之德。虽不易其方,常以诗礼为首, 虽不改其俗,常以孝友为本。躬南面,则援俊逸辅相之材。皆所以达众善, 而成天功也。继天成物,其任至重,故求贤举善,常若不及。天功既成,则 并受名誉。忠臣竭力而效能,明君得贤而高枕,上下忠爱,谤毁何从生哉。 是以尧以克明俊德为称;舜以登庸二八为功;汤以拔有莘之贤为名;文王以 举渭滨之叟为贵。由此论之,圣人兴德,孰不劳聪明于求人,获安逸于任使 者哉。采士饭牛,秦穆所以霸西戎,一则仲父,齐桓所以成九合。是故仲尼 不试,无所援升,犹序门人以为四科,泛论众材以辨三等。举德行为四科之 首,叙生知为三等之上,明德行者道义之门,质志气者材智之根也。又叹中 庸,以殊圣人之德。中庸之德其至矣乎,人鲜久矣,唯圣人能之也。尚德以 劝庶几之论。颜氏之子,其殆庶几乎,三月不违仁,乃窥德行之门。若非志 士仁人,希迈之性,日月至焉者,岂能终之。训六蔽,以戒偏材之失。仁者 爱物, 蔽在无断。信者露诚, 蔽在无隐, 此偏材之常失也。思狂狷, 以通拘 抗之材。或进趋于道义,或洁已而无为,在上者两顺其所能,则拘抗并用。 疾悾悾而无信,以明为似之难保。厚貌深情,圣人难之,听其言而观其所为, 则似托不得逃矣。又曰察其所安,观其所由,以知居止之行。言必契始以要 终,行必睹初以求卒,则中外之情粗可观矣。人物之察也,如此其祥。不祥 察则官材失其序,而庶政之业荒矣。是以敢依圣训,志序人物,庶以补缀遗 忘,惟博识君子裁览其义焉。

九徵第一 人物情性志气不同,徵神见貌,形验有九。

盖人物之本,出乎情性。性质禀之自然,情变由于染习。是以观人察物,当寻其性质也。情性之理,甚微而玄,非圣人之察,其孰能究之哉?知无形状,故常人不能睹,惟圣人目击而照之。凡有血气者,莫不含元一以为质,质不至则不能涉寒暑,历四时。禀阴阳以立性,性资于阴阳,故刚柔之意别矣。体五行而著形。骨劲筋柔,皆禀精于金木。苟有形质,犹可即而求之。由气色外著,故相者得其情素也。

凡人之质量,中和最贵矣。质白受采,味甘受和,中和者百行之根本,人情之良田也。中和之质必平淡无味,惟淡也故五味得和焉,若苦则不能甘矣,若酸也则不能咸矣。故能调成五材,变化应节。平淡无偏,群材必御,致用有宜,通变无滞。是故观人察质,必先察其平淡,而后求其聪明。譬之骥绿,虽超逸绝群,若气性不和,必有毁衡碎首决胸之祸也。聪明者,阴阳之精。离目、坎耳,视听之所由也。阴阳清和,则中睿外明。圣人淳耀,能兼二美。知微知章,耳目监察,通幽达微,官材授方,举无遗失。自非圣人莫能两遂。虽得之于目,或失之于耳。故明白之士,达动之机,而暗于玄虑。达于进趋而暗于止静,以之进趋,则欲速而成疾,以之深虑,则抗夺而不入也。玄虑之人,识静之原,而困于速捷。性安沉默,而智乏应机。以之闲静,则玄微之道构,以之济世,则劲捷而无成。犹火日外照,不能内见;金水内映,不能外光。人各有能,物各有性,是以圣人任明白以进趋,委守成于玄虑,然后动止得节,出处应宜矣。二者之义,盖阴阳之别也。阳动阴静,乃天地之定性,况人物乎。若量其材质,稽诸五物。五物之徵,亦各著于厥体矣。筋勇色青,血勇色赤,中动外形,岂可匿也。

其在体也,木骨、金筋、火气、土肌、水血,五物之象也。五性者,成形之具。五物为母,故气色从之而具。五物之实,各有所济。五性不同,各有所禀,禀性多者则偏性生也。是故骨植而柔者,谓之弘毅。弘毅也者,仁之质也。木则垂荫,为仁之质。质不弘毅,不能成仁。气清而朗者,谓之文理。文理也者,礼之本也。火则照察,为礼之本。本无文理,不能成礼。体端而实者,谓之贞固。贞固也者,信之基也。土必吐生,为信之基也。基不贞固,不能成信。筋劲而精者,谓之勇敢。勇敢也者,义之决也。金能断割,为义之决。决不勇敢,不能成义。色平而畅者,谓之通微。通微也者,智之原也。水流疏达,为智之原。原不通微,不能成智。五质恒性,故谓之五常矣。五物,天地之常气。五德,人物之常行。

五常之别,列为五德。是故温直而扰毅,木之德也。温而不直则懦,扰而不毅则剉。刚塞而弘毅,金之德也。刚而不塞则决,弘而不毅则缺。愿恭而理敬,水之德也。愿而不恭则悖,理而不敬则乱。宽栗而柔立,土之德也。宽而不栗则慢,柔而不立则散。简畅而明砭,火之德也。简而不畅则滞,明而不砭则翳。虽体变无穷,犹依乎五质。人情万化,不可胜极,寻常竟源,常在于五。

故其刚柔明畅贞固之徵,著乎形容,见乎声色,发乎情味,各如其象。 自然之理,神动形色,诚发于中,德辉外耀。故心质亮直,其仪劲固。心质 休决,其仪进猛。心质平理,其仪安闲。夫仪动成容,各有态度。直容之动, 矫矫行行。休容之动,业业跄跄。德容之动,颙颙卬卬。

夫容之动作发乎心气,心气于内,容见于外。心气之徵,则声变是也。 心不系一,声和乃变。夫气合成声,声应律吕。清而亮者律,和而平者吕。 有和平之声,有清畅之声,有回衍之声。心气不同,故声发亦异也。夫声畅 于气,则实存貌色。非气无以成声,声成则貌应。故诚仁,必有温柔之色。 诚勇,必有矜奋之色。诚智,必有明达之色。声既殊管,故色亦异状。夫色 见于貌,所谓徵神。貌色徐疾,为神之徵验。徵神见貌,则情发于目。目为 心候,故应心而发。故仁,目之精,晔然以端。心不倾倚,则视不回邪。勇, 胆之精, 晔然以强。志不怯懦, 则视不衰悴。然皆偏至之材, 以胜体为质者 也。未能不厉而威,不怒而严。故胜质不精,则其事不遂,能勇而不能怯, 动必悔吝随之。是故直而不柔,则木。木强激讦,失其正直。劲而不精,则 力。负鼎绝膑,失其正劲。固而不端,则愚。专己自是,陷于愚戆。气而不 清,则越。辞不清顺,发越无成。畅而不平,则荡。好智无涯,荡然失绝。 是故中庸之质,异于此类。勇而能怯,仁而能决,其体两兼,故为众材之主。 五常既备,包以澹味。既体咸酸之量,而以无味为御。五质内充,五精外章。 五质澹凝, 淳耀外丽。是以目彩五晖之光也。心清目朗, 粲然自耀。故曰, 物生有形,形有神精,不问贤愚,皆受气质之禀性阴阳,但智有精粗,形有 浅深耳。寻其精色,视其仪象,下至皂隶牧圉,皆可想而得之也。能知精神, 则穷理尽性。圣人有以见天下之动而拟诸形容,故能穷理尽性,以至于命。

性之所尽, 九质之徵也。阴阳相生, 数不过九, 故性情之变, 质亦同之。 然则平陂之质在于神。神者质之主也,故神平则质平,神陂则质陂。明暗之 实在于精。精者实之本,故精惠则实明,精浊则实暗。勇怯之势在于筋。筋 者势之用,故筋劲则势勇,筋弱则势怯。强弱之植在于骨。骨者植之基,故 骨刚则植强,骨柔则植弱。躁静之决在于气。气者决之地也,气盛决于躁, 气冲决于静矣。惨怿之情在于色。色者情之候也,故色悴由情惨,色悦由情 怿。衰正之形在于仪。仪者形之表也,故仪衰由形殆,仪正由形肃。态度之 动在于容。容者动之符也,故 紊动则容态 , 正动则容度。缓急之状在于言。 言者心之状也,故心恕则言缓,心褊则言急。其为人也,质素平澹,中睿外 朗,筋劲植固,声清色怿,仪正容直,则九徵皆至,则纯粹之德也。非至德 大人,其孰能与于此。九徵有违,违,为乖戾也。则偏杂之材也。或声清色 怿,而质不平淡。或筋劲植固,而仪不崇直。三度不同,其德异称。偏材荷 一至之名,兼材居德仪之目,兼德体中庸之度。故偏至之材,以材自名。犹 百工众伎,各有其名也。兼材之人,以德为目。仁义礼智,得其一目。兼德 之人,更为美号。道不可以一体说,德不可以一方待,育物而不为仁,齐众 形而不为德,凝然平淡,与物无际,谁知其名也。是故兼德而至,谓之中庸。 居中履常,故谓之中庸。中庸也者,圣人之目也。大仁不可亲,大义不可报, 无德而称,寄名于圣人也。具体而微,谓之德行。德行也者,大雅之称也。 施仁以亲物,直义以利仁,失道而成德,抑亦其次也。一至谓之偏材。偏材, 小雅之质也。徒仁而无义,徒义而无仁,未能兼济,各守一行,是以名不及 大雅也。一徵谓之依似。依似,乱德之类也。绝讦似直而非直,纯宕似通而 非通。一至一违,谓之间杂。间杂,无恒之人也。善恶参浑,心无定是。无 恒之操,胡可拟议。无恒、依似,皆风人末流。其心孔艰者,乃有教化之所 不受也。末流之质,不可胜论,是以略而不概也。蕃徒成群,岂可数哉。

【大意】

人物的本质,出于性情,关于性情的道理,非常微妙,如果没有圣人的洞察力,常人有谁能探究清楚呢?凡是有血气的生命,无不包含天地混沌元气为其本质,秉承阴阳两面以树立根性、容纳金、木、水、火、土五种元素形成形体。如果具备形貌气质,就可以探究其本性。凡是人的素质,以中正平和为最可贵。中和的素质必然平淡无味,也因此能使人体内金、木、水、火、土五材谐调,变化无碍而又顺应客观规律。因此观察一个人的素质,一定先看他是否平淡,然后再看他是否聪明。所谓聪明,是天地阴阳的精华。阴阳之气协调清和,就内有睿智,外能通达。圣人淳朴于内而聪明于外,能够兼具平淡与聪明之美。

如果衡量一个人的才能资质,可用五行的道理去考核,五行的征象也各 体现在人的体质。

人体所具备的金、木、水、火、土五种物征,各有所成就的方面。因此骨骼坚直而柔韧,就叫弘大刚毅;弘大刚毅是"仁"的本质;气质清新而明朗,叫典文仪节,典文仪节是"礼"的根单;体性端正而结实,叫坚贞不移,它是"信"的基础;筋腱强劲而精健,叫勇武果敢,它是"义"的决断;血色平和而通畅,就叫通微知著,它是"智"的来源。由五种体质形成五种恒定的性分,所以称之为"五常"。

人物性情的变化规律,体现在九个方面的征象。平正或偏邪的素质在于神明;聪慧或愚钝的根本在于精气;勇敢或怯懦的气势在于筋脉;强健或纤弱的体魄在于骨骼;急躁或沉静的脾性在于气血;悲伤或愉悦的情绪在于面色;衰殆或整肃的形象在于仪表;造作或自然的举止在于容貌;和缓或急切的状态在于言语。为人质性平静淡泊,内心敏慧外表清朗,筋腱强劲骨骼坚挺,声音清润神色悦怿,仪表端庄容貌端正,九种类型的表征都具备,就是材德精美的人材。

如果九种征象相互矛盾,则为编杂之材。细分可为偏材,兼材和兼德。 兼德为最高境界,即所谓中庸,唯圣人可称之。

体别第二 禀气阴阳,性有刚柔。拘抗文质,体越各别。

夫中庸之德,其质无名。泛然不系一貌,人无得而称焉。故咸而不碱,谓之咸耶,无碱可容,公成百卤,也与咸同。淡而不醋,味之淡耶,味复不醋。质而不缦,谓之质耶,理不缦素。文而不缋。谓之文耶,采不尽缋。能威能怀,能辨能纳,居咸淡之和,处质文之际,是以望之俨然,即之而文,言满天下无辞费。变化无方,以达为节。应变适化,期于通物。

是以抗者过之,励然抗奋于进趋之途。而拘者不逮。屯然无为于拘抗之外。夫拘抗违中,故善有所章,而理有所失。养形至甚,则虎食其外,高门悬薄,则病攻其内。是故厉直刚毅,材在矫正,失在激讦。讦刺生于刚厉。柔顺安恕,每在宽容,失在少决。多疑生于恕懦。雄悍杰健,任在胆烈,失在多忌。慢法生于桀悍。精良畏慎,善在恭谨,失在多疑。疑难生于畏慎。强楷坚劲,用在桢干,失在专固。专己生于坚劲。论辨理绎,能在释结,失在流宕。傲宕生于机辨。普博周给,弘在覆裕,失在溷浊。溷浊生于周普。朱在流起。疏越生于磊落。沉静机密,精在玄微,失在迟缓。迟缓生于沉静。朴露径尽,质在中诚,失在不微。漏露生于径尽。多智韬情,权在谲略,失在依违。隐违生于韬情。及其进德之日不止,揆中庸以戒其材之拘抗,抗者自是以奋励,拘者自是以守高。而指人之所短以益其失,拘者愈拘,抗者愈抗,或负石沉躯,或抱木焦死。犹晋楚带剑递相诡反也。自晋视楚,则笑其在右,左右虽殊,各以其用,而不达理者,横相诽谤。拘抗相反,皆不异此。

是故强毅之人,狠刚不和。不戒其强之搪突,而以顺为挠,厉其抗。以 柔顺为挠弱,抗其搪突之心。是故可以立法,难与入微。狠强刚戾,何机微 之能入。柔顺之人,缓心宽断。不戒其事之不摄,而以抗为刿,安其舒。以 猛抗为刿伤,安其恕忍之心。是故可与循常,难与权疑。缓心宽断,何疑事 之能权。雄悍之人,气奋勇决。不戒其勇之毁跌,而以顺为恇,竭其势。以 顺忍为恇怯,而竭其毁跌之势。是故可与涉难,难与居约。奋悍毁跌,何约 之能居。惧慎之人, 畏患多忌。不戒其愞于为义, 而以勇为狎, 增其疑。以 勇戆为轻侮,增其疑畏之心。是故可与保全,难与立节。畏患多忌,何节义 之能立。凌楷之人, 秉意劲特。不戒其情之固护, 而以辨为伪, 强其专。以 辨博为浮虚,而强其专一之心。是故可以持正,难与附众。执意坚持,何人 众之能附。辨博之人,论理赡给。不戒其辞之泛滥,而以楷为系,遂其流。 以楷正为系碍,而遂其流宕之心。是故可与泛序,难与立约。辨博泛滥,何 质约之能立。弘普之人, 意爱周洽。不戒其交之溷杂, 而以介为狷, 广其浊, 以拘介为狷戾,而广其溷杂之心。是故可以抚众,难与厉俗。周洽溷杂,何 风俗之能厉。狷介之人,砭甫廉反。清激浊。不戒其道之隘狭,而以普为秽, 益其拘。以弘普为秽杂,而益其拘扃之心,是故可与守节,难以变通。道狭 津隘,何通途之能涉。休动之人,志慕超越。不戒其意之大猥,而以静为滞, 果其锐。以沉静为滞屈,而增果锐之心。是故可以进趋,难与持后。志在超 越,何谦后之能持。沉静之人,道思回复。不戒其静之迟后,而以动为疏, 美其愞。以躁动为粗疏,而美其愞弱之心。是故可与深虑,难与捷速。思虑 回复,何机速之能及。朴露之人,中疑实稻。不戒其实之野直,而以谲为诞, 露其诚。以权谲为浮诞,而露其诚信之心。是故可与立信,难与消息。实 蹈野直,何轻重之能量。韬谲之人,原度取容。不戒其术之离正,而以尽为愚,贵其虚。以欵尽为愚直,而贵其浮虚之心。是故可与赞善,难与矫违。韬谲离正,何违邪之能矫。夫学,所以成材也。强毅静其抗,柔顺厉其愞。恕,所以推情也。推己之情,通物之性。偏材之性不可移转矣。固守性分,闻义不徙。虽教之以学,材成而随之以失。刚毅之性已成,激讦之心弥笃。虽训之以恕,推情各从其心。意之所非,不肯是之于人。信者逆信,推己之信,谓人皆信,而诈者得容为伪也。诈者逆诈,推己之诈,谓人皆诈,则信者或受其疑也。故学不入道,恕不周物,偏材之人,各是己能,何道之能入,何物能周也。此偏材之益失也。材不能兼,教之愈失。是以宰物者用人之仁去其贪,用人之智去其诈,然后群材毕御,而道周万物也矣。

【大意】

中庸的品德,它的实质不可名状,正像含盐的水虽咸却并不苦涩,虽淡却非索然无味一样,具有中庸品德的人,望之俨然,即之而温,既能辩说无碍,也能缄默不语,变化无穷,唯以通达为关节。

因为不深通中庸之道,人很难在社会中面面俱到,游刃有余。往往在表现出某种才能的同时,也暴露出很大不足,因此难成德材兼备之人。

所以应以"中庸"为准则,戒除抗厉过度或拘谨不及,要知道,指责他 人短处,只会使自己的缺点更加突出,于事无补也。

本章分析了十二种"偏材"的特点和得失,以及应该引以为戒的地方。

流业第三 三材为源,习者为流。流渐失源,其业各异。

盖人流之业十有二焉。性既不同,染习又异,枝流条别,各有志业。有清节家,行为物范。有法家,立宪垂制。有术家,智虑无方。有国体,三材纯备。有器能,三材而微。有臧否,分别是非。有伎俩,错意工巧。有智意,能、玩疑。有文章,属辞比事。有儒学,道艺深明。有口辨,应对给捷。有雄杰。胆略过人。

若夫德行高妙,容止可法,是谓清节之家,延陵、晏婴是也。建法立制, 强国富人,是谓法家,管仲、商鞅是也。思通道化,策谋奇妙,是谓术家, 范蠡、张良是也。兼有三材,三材皆备,德与法术皆纯备也。其德足以厉风 俗,其法足以正天下,其术足以谋庙胜,是谓国体,伊尹、吕望是也。兼有 三材,三材皆微,不纯备也。其德足以率一国,其法足以正乡邑,其术足以 权事宜,是谓器能,子产、西门豹是也。兼有三材之别,各有一流。三材为 源,则习者为流也。清节之流,不能弘恕,以清为理,何能宽恕。好尚讥诃, 分别是非,已不宽恕,则是非生。是谓臧否,子夏之徒是也。法家之流,不 能创思远图, 法制于近, 思不及远。而能受一官之任, 错意施巧, 务在功成, 故巧意生。是谓伎俩,张敞、赵广汉是也。术家之流,不能创制垂则,以术 求功,故不垂则。而能遭变用权,权智有馀,公正不足,长于权者,必短于 正。是谓智意,陈平、韩安国是也。凡此八业,皆以三材为本。非德无以正 法,非法无以兴术,是以八业之建,常以三材为本。故虽波流分别,皆为轻 事之材也。耳目殊管,其用同功。群材虽异,成务一致。能属文著述,是谓 文章,司马迁、班固是也。能传圣人之业,而不能干事施政,是谓儒学,毛 公、贯公是也。辩不入道,而应对资给,是谓口辩,乐毅、曹丘生是也。胆 力绝众,材略过人,是谓骁雄,白起、韩信是也。凡此十二材,皆人臣之任 也,各抗其材,不能兼备,保守一官,故为人臣之任也。主德不预焉。

主德者,聪明平淡,总达众材,而不以事自任者也。目不求视,耳不参听,各司其官,则众材达。众材既达,则人主垂拱无为而理。是故主道立,则十二材各得其任也。上无为,则下当任也。清节之德,师氏之任也。掌以道德,教道胄子。法家之材,司寇之任也。掌以刑法,禁制奸暴术家之材,三孤之任也,掌以庙谟,佐公论正。三材纯备,三公之任也。位于三槐,坐而论道。三材而微,冢宰之任也。天官之卿,总御百官。臧否之材,师氏之佐也。分别是非,以佐师氏。智意之材,冢宰之佐也。师事制宜,以佐天官。伎俩之材,司空之任也。错意施巧,故掌冬官。儒学之材,安民之任也。掌以德毅,保安其人。文章之材,国史之任也。宪章纪述,垂之后代。辩给之材,行人之任也。掌之应答,送迎道路。骁雄之材,将帅之任也。掌辖师旅,讨平不顺。是谓主道得而臣道序,官不易方,而太平用成。太平之所以成,由官人之不易方。若使足操物,手求行,四体何由宁,理道何由平。若道不平淡,与一材同用好,譬大匠善规,惟规之用。则一材处权,而众材失任矣。惟规之用,则矩不得立其方,绳不得经其直。虽目运规矩,无由成矣。

【大意】

根据人材的类别,可将其职业分为十二种:清节家、法家、术家、国体、 器能、臧否、伎俩、智意、文章、儒学、口辩、雄杰。

道德行为高尚美好, 仪容举止值得效法的人, 称为清节家; 建立法制,

强国富民的人,称为法家;思虑通达大道真义,策谋奇妙不凡的人,称为术家;兼有三材,德、法、术齐名,这类人是国家的体面,足以担纲。以下述及其他偏材,及其所能胜任的职业。

人君的材德,当聪明平淡,能使各类人材各司其职,而不是自己担任各种职务。这就是所谓君主之道设立而人臣之道次序井然,各级官员不违背自己的职责,天下太平就成为可能。如果君主之道不能平淡,与偏材一样只用某一方面的才能,那么一材虽然拥有权力,而众材不得其用。

总之,领导者应有知人之明,善用人之长,弃其所短,则事无不成。

材理第四 材既殊途,理亦异趣。故讲群材,至理乃定。

夫建事立义,莫不须理而定。言前定则不惑,事前定则不踬。及其论难,鲜能定之。夫何故哉?盖理多品而人材异也。事有万端,人情舛驳,谁能定之。夫理多品,则难通。人材异,则情诡。情诡、难通,则理失而事违也。情诡理多,何由而得。夫理有四部,道义事情,各有部也。明有四家明通四部,各有其家。情有九偏,以情犯明,得失有九。流有七似,似是而非,其流有七。说有三失,辞胜理滞,所失者三。难有六构,强良竞气,忿构有六。通有八能。聪思明达,能通者八。

若夫天地气化,盈虚损益,道之理也。以道化人,与时消息。法制正事,事之理也。以法理人,务在宪制。礼教宜适,义之理也。以理教之,进止得宜。人情枢机,情之理也。观物之情,在于言语。

四理不同,其于才也,须明而章,明待质而行。是故质于理合,合而有明,明足见理,理足成家。道义与事,情各有家。是故质性平淡,思心玄微容不躁扰,其心详密。能通自然,道理之家也,以道为理,故能通自然也。质性警彻,权略机捷,容不迟钝,则其心机速。能理烦速,事理之家也。以事为理,故审于理烦也。质性和平,能论礼教,容不失适,则礼教得中。辩其得失,义礼之家也。以义为礼,故明于得失也。质性机解,推情原意,容不妄动,则原物得意。能适其变,情理之家也。以情为理,故能极物之变。

四家之明既异,而有九偏之情。以性犯明,各有得失。明出于真,情动 于性,情胜明,则蔽,故虽得而必丧也。刚略之人,不能理微。用意麄粗, 意不玄微。故其论大体,则弘博而高远,性刚刚志远。历纤理,则宕往而疏 越。志远故疏越。抗厉之人,不能回挠。用意猛奋,志不旋屈。论法直,则 括处而公正,性厉则理毅。说变通,则否戾而不入。理毅则滞碍。坚劲之人, 好攻其事实。用意端确,言不虚徐。指机理,则颖灼而彻尽,性确则言尽。 涉大道,则径露而单持。言切则义少。辩给之人,辞烦而意锐。用意疾急, 志不在退挫。推人事,则精识而穷理,性锐则穷理。即大义,则恢愕而不周。 理细故遗大。浮沉之人,不能沉思。用意虚廓,志不渊密。序疏数,则豁达 而傲博,性浮则志微。立事要,则爁炎而不定。志傲则理疏。浅解之人,不 能深难。用意浅脱,思不深熟。听辩说,则拟锷而愉悦,性浅则易悦。审精 理,则掉转而无根。易悦故无根。宽恕之人,不能速捷。用意徐缓,思不速 疾。论仁义,则弘详而长雅,性恕则理雅。趋时务,则迟缓而不及。徐雅故 迟缓。温柔之人,力不休强。用意温润,志不美悦。味道理,则顺适而和畅, 性和则理顺。拟疑难,则濡渜而不尽。理顺故依违。好奇之人,横逸而求异。 用意奇特,志不同物。造权谲,则倜傥而瓌壮,性奇则尚丽。案清道,则诡 常而恢迂。奇逸故恢诡。此所谓性有九偏,各从其心之所可以为理。心之所 可以为理,是非相蔽,终无休已。

若乃性不精畅,则流有七似。有漫谈陈说,似有流行者。浮漫流雅,似若可行。有理少多端,似若博意者。辞繁喻博,似若弘广。有回说合意,似若赞解者。外佯称善,内实不知。有处后持长,从众所安,似能听断者。实自无知,如不言,观察众谈,赞其所安。有避难不应,似若有馀,而实不知者。实不能知,忘徉不应,似有所知,而不答者。有慕通口解,似悦而不怿者。闻言即说,有似于解者,心中漫漫不能悟。有因胜情失,穷而称妙,辞

已穷矣,自以为妙而未尽。跌则掎蹠,理已跌矣,而强牵据。实求两解,似理不可屈者。辞穷理屈,心乐两解,而言犹不止,听者谓之未屈。凡此七似,众人之所惑也。非明镜焉能监之。

夫辩有理胜,理至不可动。有辞胜。辞巧不可屈。理胜者,正白黑以广论,释微妙而通之。说事分明,有如粉黛,朗然区别,辞不溃杂。辞胜者,破正理以求异,求异则正失矣。以白马非白马,一朝而服千人,及其至关禁锢,直而后过也。夫九偏之材,有同,有反,有杂。同则相解,譬水流于水。反则相非,犹火灭于水。杂则相恢。亦不必同,又不必异,所以恢达。故善接论者,度所长而论之。因其所能,则其言易晓。历之不动,则不说也。意在杓马,彼俟他日。傍无听达,则不难也。凡相难讲,为达者听。不善接论者,说之以杂反。彼意在狗,而说以马,彼意大同,而说以小异。说之以杂反,则不入矣。以方入圆,理终不可。善喻者,以一言明数事。辞附于理,则言寡而事明。不善喻者,百言不明一意。辞远乎理,虽泛滥多言,己不自明,况他人乎。百言不明一意,则不听也。自意不明,谁听之。是说之三失也。

善难者,务释事本。每得理而止住。不善难者,舍本而理末。逐其言而 接之。舍本而理末,则辞构矣。不寻其本理,而以烦辞相文。善攻强者,下 其盛锐,对家强梁,始气必盛,故善攻强者,避其初鼓也。扶其本指,以渐 攻之。三鼓气盛,衰则攻易。不善攻强者,引其误辞以挫其锐意。强者意锐, 辞或暂误,击误挫锐,理之难也。挫其锐意,则气构矣。非徒群言交错,遂 至动其声色。善蹑失者,指其所跌。彼有跌失,暂指不逼。不善蹑失者,因 屈而抵其性。陵其屈跌而抵挫之。因屈而抵其性,则怨构矣。非徒声色而已, 怨恨逆结于心。或常所思求,久乃得之。仓卒谕人,人不速知,则以为难谕。 已自久思,而不恕人。以为难谕,则忿构矣。非徒怨恨,遂生忿争。夫盛难 之时,其误难迫。气盛辞误,且当避之。故善难者,徵之使还。气折意还, 自相应接。不善难者,凌而激之,虽欲顾藉,其势无由。弃误顾藉,不听其 言。其势无由,则妄构矣。妄言非訾,纵横恣口。凡人心有所思,则耳且不 能听。思心一至,不闻雷霆。是故并思俱说,竞相制止,欲人之听己,止他 人之言,欲使听己。人亦以其方思之故,不了己意,则以为不解。非不解也, 当己出言,由彼方思,故人不解。人情莫不讳不解。谓其不解,则性讳怒。 讳不解,则怒构矣。不顾道理是非,于其凶怒忿肆。凡此六构,变之所由兴 也。

然虽有变构,犹有所得。造事立义,当须理定,故虽有变说小故,终于理定功立。若说而不难,各陈所见,则莫知所由矣。人人竞说,若不难质,则不知何者可用也。由此论之,谈而定理者,眇矣。理多端,人情异,故发言盈庭,莫肯执其咎。必也聪能听序,登高能赋,求物能名,如颜回听哭,苍舒量象。思能造端,子展谋侵晋,乃得诸侯之盟明能见机,臾骈睹目动,即知秦师退。辞能辩意,伊藉答吴王,一拜一起未足为劳。捷能摄失,郭淮答魏帝曰,自知必免防风之诛。守能待攻,墨子谓楚人,吾弟子已学之于宋。攻能夺守,毛遂进曰,今日从为楚,不为赵也,楚王从而谢之。夺能易予。以子之矛,易子之盾,则物主辞穷。兼此八者,然后乃能通于天下之理。通于天下之理,则能通人矣。不能兼有八美,适有一能,所谓偏材之人。则所达者偏,而所有异目矣。各以所通,而立其名。是故聪能听序,谓之名物之材。思能造端,谓之构架之材。明能见机,谓之达识之材。辞能辩意,谓之

赡给之材。捷能摄失,谓之权捷之材。守能待攻,谓之持论之材。攻能夺守,谓之推彻之材。夺能易予,谓之贸说之材。通材之人,既兼此八材,行之以道。与通人言,则同解而心喻。同即相是,是以心相喻。与众人言,则察色而顺性。下有盛色,避其所短。虽明包众理,不以尚人。恒怀谦下,故处物上。聪睿资给,不以先人。常怀退后,故在物上。善言出己,理足则止。通理则止,不务烦辞。鄙误在人,过而不迫。见人过跌,辄当历避。写人之所怀,扶人之所能。扶赞人之所能,则人人自任矣。不以事类犯人之所婟。胡故反。与盲人言,不讳眇瞎之类。不以言例,及己之所长。己有武力,不与城虎之伦。说直说变,无所畏恶。通材平释,信而后谏,虽触龙鳞,物无害者。采虫声之善音,不以声丑,弃其善曲。赞愚人之偶得。不以人愚,废其嘉言。夺与有宜,去就不留。方其盛气,折谢不恼。不避锐跌,不惜屈挠。方其胜难,胜而不矜。理自胜耳,何所矜也。心平志谕,无适无莫,付是非于道理,不贪胜以求名。期于得道而已矣。是可与论经世而理物也。旷然无怀,委之至当。是以世务自经,万物自理。

【大意】

本章主要讨论各类人材的性格及特征,提出所谓四部之理、四家之明、 九偏之情,七似之流,以及三失之说,六构之难,八能之通。

明智之人的心性须于常理相合。(理者,分道之理,事之理,义之理,情之理)。只有这样才能明辨是非,成就事业。

偏材往往对理"以性犯明",引起争论,这种情况很多见,大家各执一辞,争论不休,而难以形成统一意见。如想在争论中以理服人,就必须善于聆听,把握事物发展的次序;善于思考、进行发明创造;智慧足以找出事物变化的根由;言辞足以表达内在的情意;反应快,能发现自己的失误;坚于防守,能够抵御对手的攻击;勇于进攻,能够摧毁对方的堡垒;驳倒对方,能用"以子之矛,攻子之盾"的方法,使之陷于被动。此所谓"八通"。

材能第五 材能大小,其准不同。量力而授,所任乃济。

或曰,人材有能大而不能小,犹函牛之鼎不可以烹鸡。愚以为此非名也。 夫人材犹器,大小异,或者以大鼎不能烹鸡,喻大材不能治小,失其名也。 夫能之为言,已定之称。先有定质,而后能名生焉。岂有能大而不能小乎?

凡所谓能大而不能小,其语出于性有宽急。宽者弘裕,急者急切。性有宽急,故宜有大小。宽弘宜治大,急切宜治小。宽弘之人,宜为郡国,使下得施其功,而总成其事。急切则烦碎,事不成。急小之人,宜理百里,使事办于己。弘裕则网漏,庶事荒矣。然则郡之与县,异体之大小者也。明能治大郡,则能治小郡,能治大县,亦能治小县。以实理宽急论辨之,则当言大小异宜,不当言能大不能小也。若能大而不能小,仲尼岂不为季氏臣。若夫鸡之与牛,亦异体之小大也。鼎能烹牛,亦能烹鸡,铫能烹鸡,亦能烹犊。故鼎亦宜有大小。若以烹犊,则岂不能烹鸡乎?但有宜与不宜,岂有能与不能。故能治大郡,则亦能治小郡矣。推此论之,人材各有所宜,非独大小之谓也。文者理百官,武者治军旅。夫人材不同,能各有异。有自任之能,修己洁身,总御百官。有立法使人从之之能,法悬人惧,无敢犯也。有消息辨护之能,智意辨护,周旋得节。有德教师人之能,道术深明,动为物教。有行事使人谴让之能,云为得理,义和于时。有司察纠摘之能,督察是非,无不区别。有权奇之能,务以奇计,成事立功。有威猛之能。猛毅昭著,振威敌国。

能出于材。材不同量。材能既殊,任政亦异。是故自任之能,清节之材也。故在朝也,则冢宰之任,为国则矫直之政。其身正,故掌天官而总百揆。立法之能,治家之材也。故在朝也,则司寇之任,为国则公正之政。法无私,故掌秋官而诘奸暴。计策之能,术家之材也。故在朝也,则三孤之任,为国则变化之政。计虑明,故辅三槐而助论道。人事之能,智意之材也。故在朝也,则冢宰之佐,为国则谐合之政。智意审,故佐天官而谐内外。行事之能,谴让之材也。故在朝也,则司寇之任,为国则督责之政。辨众事,故佐秋官而督傲慢。权奇之能,伎俩之材也。故在朝也,则司空之任,为国则艺事之政。伎能巧,故任冬官而成艺事。司察之能,臧否之材也。故在朝也,则师氏之佐,为国则刻削之政。是非章,故佐师氏而察善否。威猛之能,豪杰之材也。故在朝也,则将帅之任,为国则严厉之政。体果毅,故总六师而振威武。

凡偏材之人,皆一味之美。譬饴以甘为名,酒以苦为实。故长于办一官,弓工揉材,而有馀力。而短于为一国。兼掌陶冶,器不成矣。何者?夫一官之任,以一味协五味。盐人调盐,醯人调醯,则五味成矣。譬梓里治材,土官治墙,则厦屋成。一国之政,以无味和五味。水以无味,故五味得其和。犹君体平淡,则百官施其用。又国有俗化,民有剧易,五方不同,风俗各异,土有刚柔,民有剧易。而人材不同,故政有得失。以简治易则得,治烦则失。是以王化之政宜于统大,易简而天下之理得矣。以之治小,则迂。网踈而吞舟之奸漏。辩护之政宜于治烦,事皆辨护,烦乱乃理。以之治易,则无易。甚于督促,民不便也。策术之政宜于治难,权略无方,解释患难。以之治平,

则无奇。术数烦众,民不安矣。矫抗之政宜于治侈,矫枉过正,以厉侈靡。以之治弊,则残。俗弊治严,则民残矣。谐和之政宜于治新,国新礼杀,苟合而已。以之治旧,则虚。苟合之教,非礼实也。公刻之政宜于纠奸,刻削不深,奸乱不止。以之治边,则失众。众民惮法,易逃叛矣。威猛之政宜于讨乱,乱民桀逆,非威不服。以之治善,则暴。政猛民残,滥良善矣。伎俩之政宜于治富,以国强民以使。以之治贫,则劳而下困。易货改铸,民失业矣。故量能授官,不可不审也。凡此之能,皆偏材之人也。故或能言而不能行,或能行而不能言。智胜则能言,材胜则能行。至于国体之人,能言能行,故为众材之隽也。

人君之能,异于此。平淡无为,以任众能。故臣以自任为能,竭力致功,以取爵位。君以用人为能,任贤使能,国家自理。臣以能言为能,各言其能,而受其官。君以能听为能,听言观行,而授其官。臣以能行为能,必行其所言。君以能赏罚为能。必当其功过也。所能不同,君无为而臣有事。故能君众材也。若君以有为,代大匠斫,则众能失巧,功不成矣。

【大意】

衡量一个人有无才能,不能简单地以"大小"来做标准。比如鼎,既可用来煮牛,也可用来烹鸡。材能本无大小,但能才却各有不同,叫一位教授和一个建筑工人对换工作,显然不符合实际。因此用人之道在于量材录用。如"臣僚以亲自办事为材能,而君主则以用人为材能;臣僚的材能在于能说,而君主的材能在于能听;臣僚的材能在于执行命令,而君主的材能在于主持赏罚。

利害第六 建法陈术,以利国家。及其弊也,害归于已。

盖人业之流,各有利害。流渐失源,故利害生。夫节清之业著于仪容,发于德行,心清意正,则德容外著。未用而章,其道顺而有化。德辉昭著,故不试而效。效理于人,故物无不化。故其未达也,为众人之所进,理顺则众人乐进之。既达也,为上下之所敬。德和理顺,谁能慢之。其功足以激浊扬清,师范僚友。其为业也无弊而常显。非徒不弊,存而有显。故为世之所贵。德信有常,人不能贱。

法家之业,本于制度,待乎成功而效。法以禁奸,奸止乃效。其道前苦而后治,严而为众。初布威严,是以劳苦,终以道化,是以民治。故其未达也,为众人之所忌。奸党乐乱,忌法者众。已试也,为上下之所惮。宪防肃然,内外振悚。其功足以立法成治,民不为非,治道乃成。其弊也,为群枉之所仇法行宠贵,终受其害。其为业也,有敝而不常用,明君乃能用之强,明不继世,故法不常用。故功大而不终。是以商君车裂,吴起支解。

术家之业,出于聪思,待于谋得而章。断于未行,人无信者,功成事效而后乃彰也。其道先微而后著,精而且玄。计谋微妙,其始至精,终始合符,是以道著。其未达也,为众人之所不识。谋在功前,众何由识。其用也,为明主之所珍。暗主昧然。岂能贵之。其功足以运筹通变。变以求通,故能成其功。其退也,藏于隐微。计出微密,是以不露。其为业也,奇而希用,主计神奇,用之者希也。故或沈微而不章。世希能用,道何由章。

智意之业,本于原度,其道顺而不忤。将顺时宜,何忤之有。故其未达也,为众人之所容矣。庶事不逆,善者来亲。已达也,为宠爱之所嘉。与众同和,内外美之。其功足以赞明计虑,媚顺于时,言计是信也。其敝也,知进而不退,不见忌害,是以慕进也。或离正以自全。用心多媚,故违于正。其为业也,谞而难持。韬情谞智,非雅正之伦也。故或先利而后害。知进忘退,取悔之道。

臧否之业,本乎是非。其道廉而且砭。清而混杂,砭去纤芥。故其未达也,为众人之所识。清洁不污,在幽而明。已达也,为众人之所称。业常明白,出则受誉。其功足以变察是非。理清道洁,是非不乱。其敝也,为诋诃之所怨。诋诃之徒,不乐闻过。其为业也,峭而不裕。峭察于物,何能宽裕。故或先得而后离众。清亮为时所称,理峭为众所惮。

伎俩之业,本于事能,其道辨而且速。伎计如神,是以速辨。其未达也,为众人之所异。伎能出众,故虽微而显。已达也,为官司之所任。遂事成功,政之所务。其功足以理烦纠邪。释烦理邪,亦须伎俩。其敝也,民劳而下困。上不端而下困。其为业也,细而不泰,故为治之末也。道不平弘,其能太乎。【大意】

本章主要论述了各种事业的利与弊。以各种事业之所本,未发达或发达后的状况,作为一种事业的特点,及其功过和利弊,直至最终结局。比如"法家的事业,根本于制定法度,等到成功后而奏效。其治国之道,前面辛苦后面安定,严厉但是为了民众。因此当其未成功时,被众人所猜忌,法令施行后,又为上下所畏惧。它的功业足以设立法制,安邦定国。它的弊害在于为众多邪曲所仇视,因此功劳虽大而往往不得善终。

接识第七推己接物,俱识同体。兼能之士,乃达群材。

夫人初甚难知,貌厚情深,难得知也。而士无众寡皆自以为知人。故以 己观人,则以为可知也。己尚清节,则凡清节者皆己之所知。观人之察人, 则以为不识也。夫何哉?由己之所尚,在于清节;人之所好,在于利欲。曲 直不同于他,便谓人不识物也。是故能识同体之善,性长思谋,则善策略之 士。而或失异量之美。遵法者虽美,乃思谋之所不取。何以论其然?夫清节 之人以正直为度,故其历众材也能识性行之常,度在正直,故悦有恒之人。 而或疑法术之诡。谓守正足以致治,何以法术为也。法制之人以分数为度, 故能识较方直之量,度在法分,故悦方直之人。而不贵变化之术。谓法分足 以济业,何以术谋为也。术谋之人以思谟为度,故能成策略之奇,度在思谋, 故贵策略之人。而不识遵法之良。谓思谟足以化民,何以法制为也。器能之 人以辨护为度,故能识方略之规,度在辨护,故悦方计之人。而不知制度之 原。谓方计足以立功,何以制度为也。智意之人以原意为度,故能识韬谞之 权,度在原意,故悦韬谞之人。而不贵法教之常。谓原意足以为正,何以法 理为也。伎俩之人以邀功为度,故能识进趣之功,度在邀功,故悦功能之人。 而不通道德之化。谓伎能足以成事,何以道德为也。臧否之人以伺察为度, 故能识诃砭之明,度在伺察,故悦谴诃之人。而不畅倜傥之异。谓谴诃乃成 教,何以宽弘为也。言语之人以辨析为度,故能识捷给之惠,度在剖析,故 悦敏给之人。而不知含章之美。谓辨论事乃理,何以含章为也。

是以互相非驳,莫肯相是。人皆自以为是,谁肯道人之是。取同体也,则接论而相得。性能苟同,则虽胡越,接响而情通。取异体也,虽历久而不知。性能苟异,则虽比肩,历年而逾踈矣。凡此之类,皆谓一流之材也。故同体则亲,异体则踈。若二至已上,亦随其所兼,以及异数。法家兼术,故能以术辅法。故一流之人,能识一流之善。以法治者,所以举不过法。二流之人,能识二流之美。体法术者,法术兼行。尽有诸流,则亦能兼达众材。体通八流,则八材当位,物无不理。故兼材之人与国体同。谓八材之人始进陈言,冢宰之官,察其所以。

欲观其一隅,则终朝足以识之。将究其详,则三日而后足。何谓三日而后足? 夫国体之人兼有三材,故谈不三日不足以尽之。一以论道德,二以论法制,三以论策术,然后乃能竭其所长,而举之不疑。在上者兼明八材,然后乃能尽其所进,用而无疑矣。

然则何以知其兼偏,而与之言乎?察言之时,何以识其偏材,何以识其兼材也。其为人也,务以流数杼人之所长,而为之名目,如是兼也。每因事类,杼尽人之所能,为之名目,言不容口。如陈以美欲人称之,己之有善,因事自说,又欲令人言常称己。不欲知人之所有,如是者偏也。人之有善,耳不乐闻,人称之,口不和也。不欲知人,则言无不疑。闻法则疑其刻削,闻术则疑其诡诈。是故以深说浅,益深益异。浅者意近,故闻深理而心逾炫。是以商君说帝王之道不入,则以强兵之义示之。异则相返,反则相非。闻深则心炫,焉得而相是,是以李兑塞耳而不听苏秦之说。是故多陈处直,则以为见美。以其多方疑似见美也。静听不言,则以为虚空。待时来语,疑其无实。抗为高谈,则为不逊。辞护理高,疑其凌己。逊让不尽,则以为浅陋。卑言寡气,疑其浅薄。言称一善,则以为不博。未敢多陈,疑其陋狭。历发

众奇,则以为多端。偏举事类,则欲以释之,复以为多端。先意而言,则以为分美。言合其意,疑分己美。因失难之,则以为不喻。欲补其失,反不喻也。说以对反,则以为较己。欲反其事而明言,乃疑其较也。博以异杂,则以为无要。控尽所怀,谓之无要。论以同体,然后乃悦。弟兄忿肆,为陈管蔡之事,则欣畅而和悦。于是乎有亲爱之情,称举之誉,苟言之同,非徒亲爱而已,乃至誉而举之。此偏材之常失。意常婟护,欲人同己,己不必得,何由暂得。

【大意】

所谓"接识"就是指人在待人接物时的表现。本章主要讨论了偏材在接识别人时的局限性,他们往往只能接受同类型的人,而不能以更宽宏的胸襟,从别人的立场去评价别人的长处。这似乎是一种通病,人人都陈说自己的优点,希望得到称赞,而自己却不想了解对方的优点,这样的人就是偏材。

在社会交际中,人应该摒弃偏狭,不要以为自己衡量人的标准是唯一正确的,从而限制自己不能发现别人的长处,难与别人沟通,从而遭到孤立。

英雄第八 自非平淡,能各有名。英为文昌,雄为武称。

夫草之精秀者为英,兽之特群者为雄。物尚有之,况于人乎。故人之文 武茂异,取名于此。文以英为名,武以雄为号。是故聪明秀出谓之英,胆力 过人谓之雄,此其大体之别名也。若校其分数,则互相须,英得雄分,然后 成章,雄得英分,然后成刚。各以二分,取彼一分,然后乃成。胆者雄之分, 智者英之分。英有聪明,须胆而后成;雄有胆力,须知而后立。

何以论其然?夫聪明者英之分也,不得雄之胆,则说不行。智而无胆,不能正言。胆力者雄之分也,不得英之智,则事不立。勇而无谋,不能立事。是故英以其聪谋始,以其明见机,智以谋事之始,明以见事之机。待雄之胆行之。不决则不能行。雄以其力服众,以其勇排难,非力众不服,非勇难不排。待英之智成之。智以制宜,巧乃可成。然后乃能各济其所长也。譬金待水而成利功,物得水然后成养功。若聪能谋始,而明不见机,乃可以坐论,而不可以处事。智能坐论,而明不见机,何事务之能处。聪能谋始,明能见机,而勇不能行,可以循常,而不可以虑变。明能循常,勇不能行,何应变之能为。若力能过人,而勇不能行,可以为力人,未可以为先登。力虽绝群,胆雄不决,何先锋之能为。力能过人,勇能行之,而智不能断事,可以为先登,未足以为将帅。力能先登,临事无谋,何将帅之能为。必聪能谋始,明能见机,胆能决之,然后可以为英,张良是也。气力过人,勇能行之,智足断事,乃可以为雄,韩信是也。体分不同,以多为目。故英雄异名。张良英智多,韩信雄胆胜。然皆偏至之材,人臣之任也。故英可以为相,制胜于近。雄可以为将。杨威于远。若一人之身兼有英雄,则能长世,高祖、项羽是也。

然英之分以多于雄,而英不可以少也。英以致智,智能役雄,何可少也。 英分少,则智者去之。故项羽气力盖世,明能合变,胆烈无前,济江焚粮。 而不能听采奇异,有一范增不用,是以陈平之徒皆亡归。高祖英分多,故群 雄服之,英材归之,两得其用。雄既服矣,英又归之。故能吞秦破楚,宅有 天下。然则英雄多少,能自胜之数也。胜在于身,则能胜物。徒英而不雄, 则雄材不服也。内无主于中,外物何由入。徒雄而不英,则智者不归往也。 无名以接之,智者何由往。故雄能得雄,不能得英。兕虎自成群也。英能得 英,不能得雄。鸾凤自相亲也。故一人之身兼有英雄,乃能役英与雄。能役 英与雄,故能成大业也。武以服之,文以绥之,则业隆当年,福流后世。

【大意】

"英雄"一词现在虽合而为一,但两字却是有分别的。做为人的素质成份,"英"偏重于人的智慧、计谋,而"雄"则重在人的勇气和胆略。英材或雄材都是"偏材"。英和雄是相互关联的,二者结合起来,才能成就事业。只有"英"而无"雄",空有好的计划,却无勇气使其成为现实;缺少了智慧,勇字当头,至多为一勇夫。而且,二者的成份,"英"宜多于"雄",刘邦和项羽同为英雄,但结局大异,由此可见一斑!

八观第九 群才异品,志各异归。观其通否,所格者八。

八观者:一曰,观其夺救,以明间杂。或慈欲济恤而吝夺某人,或救济广厚而乞醯为惠。二曰,观其感变,以审常度。观其愠作,则常度可审。三曰,观其志质,以知其名。徵质相应,睹色知名。四曰,观其所由,以辨依似。依讦似直,仓卒难明。察其所安,昭然可辨。五曰,观其爱敬,以知通塞。纯爱则物亲而情通,纯敬则理踈而情塞。六曰,观其情机,以辨恕惑。得其所欲则恕,违其所欲则惑。七曰,观其所短,以知所长。讦刺虽短,而长于为直。八曰,观其聪明,以知所达。虽体众材,而材不聪明,事事蔽塞,其何能达。

何谓观其夺救,以明间杂?夫质有至、有违,刚质无欲,所以为至。贪 情或胜,所以为违。若至胜违,则恶情夺正。若然而不然。以欲胜刚,以此 似刚而不刚。故仁出于慈,有慈而不仁者。仁必有恤,有仁而不恤者。厉必 有刚,有厉而不刚者。若夫见可怜则流涕,慈心发于中。将分与则吝啬,是 慈而不仁者。为仁者必济恤。睹危急则恻隐,仁情动于内。将赴救则畏患, 是仁而不恤者。为恤者必赴危。处虚义则色厉,精厉见于貌。顾利欲则内荏, 是厉而不刚者。为刚者必无欲。然则慈而不仁者,则吝夺之也。爱财伤于慈。 仁而不恤者,则惧夺之也。恇怯损于仁。厉而不刚者,则欲夺之也。利欲害 于刚。故曰, 慈不能胜吝, 无必其能仁也。爱则不施, 何于仁之为能。仁不 能胜惧,无必其能恤也。畏懦不果,何恤之能行。厉不能胜欲,无必其能刚 也。情存利欲,何刚之能成。是故不仁之质胜,则伎力为害器。仁质既弱而 有伎力,此害己之器也。贪悖之性胜,则强猛为祸梯。廉质既负而性强猛, 此祸己之梯也。亦有善情救恶,不至为害,恶物宜翦而除,纯善之人怜而救 之,此稠厚之人,非大害也。爱惠分笃,虽傲狎不离,平生结交情厚分深, 虽原壤夷俟而不相弃,无大过也。助善著明,虽疾恶无害也。如杀无道以就 有道,疾恶虽甚,无大非也。救济过厚,虽取人,不贪也。取人之物以有救 济,虽讥在乞醯,非大贪也。是故观其夺救,而明间杂之情,可得知也。或 畏吝夺慈仁,或救过济其分,而平淡之主顺而恕。

何谓观其感变,以审常度?夫人厚貌深情,将欲求之,必观其辞旨,察其应赞。视发言之旨趣,观应和之当否。夫观其辞旨,犹听音之善丑。音唱而善丑别。察其应赞,犹视智之能否也。声和而能否别。故观辞察应,足以互相别识。彼唱此和,是非相举。然则论显扬正,白也。辞显唱正,是曰明白。不善言应,玄也。默而识之,是曰玄也。经纬玄白,通也。明辨是非,可谓通理。移易无正,杂也。理不一据,言意浑杂。先识未然,圣也。追思玄事,睿也。见事过人,明也。以明为晦,智也。心虽明之,常若不足。微忽必识,妙也。理虽至微,而能察之。美妙不昧,疏也。心致昭然,是曰疏朗。测之益深,实也。心有实智,探之愈精,犹泉滋中出,测之益深也。假合炫耀,虚也。道听途说,久而无实。犹池水无源,泄而虚竭。自见其美,不足也。智不赡足,恐人不知以自伐。不伐其能,有余也。不畏不知。故曰,凡事不度,必有其故。色貌失实,必有忧喜之故。忧患之色,乏而且荒。忧患在心,故形色荒。疾疢之色,乱而垢杂。黄黑色杂,理多尘垢。喜色愉然以怿,愠色厉然以扬;妒惑之色,冒昧无常。粗白粗赤,愤愤在面。及其动作,盖并言辞。色既发扬,言亦从之。是故其言甚怿,而精色不从者,中有

违也。心恨而言强和,色貌终不相从。其言有违,而精色可信者,辞不敏也。言不自尽,故辞虽违而色貌可信。言未发而怒色先见者,意愤溢也。愤怒填胸者,未言而色貌已作。言将发而怒气送之者,强所不然也。欲强行不然之事,故怒气助言。凡此之类,徵见于外,不可奄违。心欢而怒容,意恨而和貌。虽欲违之,精色不从。心动貌从。感愕以明,虽变可知。情虽在内,感愕发外,千形万貌,粗可知矣。是故观其感变而常度之情可知。观人辞色而知其心,物有常度,然后审矣。

何谓观其至质,以知其名?凡偏材之性,二至以上,则至质相发,而令名生矣。二至,质气之谓也。质直气清,则善名生矣。是故骨直气清,则休名生焉。骨气相应,名是以美。气清力劲,则烈名生焉。气既清矣,力劲刚烈。劲智精理,则能名生焉。智既劲矣,精理则能称。智直强悫,则任名生焉。直而又美,是以见任。集于端质,则令德济焉。质徵端和,善德乃成。加之学,则文理灼焉。圭玉有质,莹则成文。是故观其所至之多少,而异名之所生可知也。寻其质气,览其清浊,虽有多少之异,异状之名,断可知之。

何谓观其所由,以辨依似?夫纯讦性违,不能公正。质气俱讦,何正之 有。依讦似直,以讦讦善,以直之讦,计及良善。纯宕似流,不能通道。质 气俱宕,何道能通。依宕似通,行傲过节。似通之宕,容傲无节。故曰,直 者亦讦, 讦者亦讦, 其讦则同, 其所以为讦则异。直人之讦, 讦恶惮非, 纯 讦为讦, 讦善刺是。通者亦宕, 宕者亦宕, 其宕则同, 其所以为宕则异。通 人之宕, 简而达道。纯宕, 傲僻以自恣。然则何以别之? 直而能温者, 德也; 温和为直,所以为德。直而好讦者,偏也;性直过讦,所以为偏。讦而不直 者,依也;纯讦似直,所以为依。道而能节者,通也。以道自节,所以为通。 通而时过者,偏也;性通时过,所以为偏。宕而不节者,依也。纯宕似通, 所以为依。偏之与依,志同质违,所谓似是而非也。质同通直,或偏或依。 是故轻诺,似烈而寡信。不量己力,轻许死人,临难畏怯,不能殉命。多易, 似能而无效。不顾材能,日谓能办,受事猖獗,作无效验。进锐,似精而去 速。精躁之人,不能久任。诃者,似察而事烦。谴诃之人,每多烦乱。讦施, 似惠而无成。当时似给,终无所成。面从,似忠而退违,阿顺目前,却则自 是。此似是而非者也。紫色乱朱,圣人恶之。亦有似非而是者。事同于非, 其功实则是。大权,似奸而有功。伊去太甲,以成其功。大智,似愚而内明。 终日不违,内实分别。博爱,似虚而实厚。泛爱无私,似虚而实。正言,似 讦而情忠。譬帝桀纣,至诚忠爱。夫察似明非,御情之反,欲察似类审,则 是非御,取人情反复明之。有似理讼,其实难别也。故圣人参讯广访,与众 共之。非天下之至精,其孰能得其实。若其实可得,何忧乎獾党,何迁乎有 苗。是以昧旦晨兴,扬明仄陋,语之三槐,询九棘。故听言信貌,或失其真。 言讷貌恶,仲尼失之子羽。诡情御反,或失其贤。疑非人情,公孙失之卜式。 贤否之察,实在所依。虽其难知,即当寻其所依而察之。是故观其所依,而 似类之质可知也。虽其不尽得其实,然察其所依似,身其体气,粗可几矣。

何谓观其爱敬,以知通塞?盖人道之极,莫过爱敬。爱生于父子,敬立于君臣。是故《孝经》以爱为至德,起父子之亲,故为至德。以敬为要道。终君臣之义,故为道之要。《易》以感为德,气通生物,人得之以利养。以谦为道。尊卑殊别,道之次序。《老子》以无为德,施化无方,德之则也。以虚为道。寂寞无为,道之伦也。《礼》以敬为本。礼由阴作,肃然清净。《乐》以爱为主。乐由阳来,欢然亲爱。然则人情之质,有爱敬之诚,方在

哺乳,爱敬生矣。则与道德同体,动获人心,而道无不通也。体道修德,故物顺理通。然爱不可少于敬。少于敬,则廉节者归之,廉人好敬,是以归之。而众人不与。众人乐爱,爱少,是以不与。爱多于敬,则虽廉节者不悦,而爱接者死之。廉人寡,常人众,众人乐爱致其死,则事成业济。是故爱之为道,不可少矣。何则?敬之为道也,严而相离,其势难久。动必肃容,过之不久。逆旅之人,不及温和而归也。爱之为道也,情亲意厚,深而感物。煦渝笃密,感物深感,是以翳桑之人,倒戈报德。是故观其爱敬之诚,而通塞之理可德而知也。笃于慈爱,则温和而上下之情通。务在礼敬,则严肃而外内之情塞。然必爱敬相须,不可一时而无。然行其二义者,常当务令爱多敬少,然后肃穆之风可得希矣。

何谓观其情机,以辨恕惑?夫人之情有六机,杼其所欲,则喜。为有力 者誉乌获,其心莫不忻焉。不杼其所能,则怨。为辨给者称三缄,其心莫不 忿然。以自伐历之,则恶。抗己所能以历众人,众人所恶。以谦损下之,则 悦。卑损下人,人皆喜悦。犯其所乏,则婟。人皆悦己所长,恶己所短。故 称其所短,则婟戾忿肆。以恶犯婟,则妒。自伐其能,人皆所恶也,称人之 短,人所婟也。今伐其所能,犯人所婟,则妒害生也。此人性之六机也。夫 人情莫不欲遂其志。志之所欲,欲遂已成。故烈士乐奋力之功,遭难而力士 奋。善士乐督政之训,政修而善士用。能士乐治乱之事,治乱而求贤能。术 士乐计策之谋,广算而求其策。辨士乐陵讯之辞,宾赞而求辨给。贪者乐货 财之积,货财积,则贪者容其求。幸者乐权势之尤。权势之尤,则幸者窃其 柄。苟赞其志,则莫不欣然。是所谓杼其所欲,则喜也。所欲之心杼尽,复 何怨乎?若不杼其所能,则不获其志。不获其志,则戚。忧己才之不展。是 故功力不建,则烈士奋。奋,愤不能尽其材也。德行不训,则正人哀。哀, 哀不得行其化。政乱不治,则能者叹。叹,叹不得用其能。敌能未弭,则术 人思。思,思不得运其奇。货财不积,则贪者忧。忧,忧无所收其利。权势 不尤,则幸者悲。悲,悲不得弄其权。是所谓不杼其能,则怨也。所怨不杼 其能悦也。人情莫不欲处前,故恶人之自伐。皆欲居物先,故恶人之自伐也 自伐,皆欲胜之类也。是故自伐其善,则莫不恶也。恶其有胜己之心。是所 谓自伐历之,则恶也。是以达者终不自伐。人情皆欲求胜,故悦人之谦。谦 所以下之。下有推与之意,是故人无贤愚,接之以谦,则无不色怿。不问能 否,皆欲胜人。是所谓以谦下之,则悦也。是以君子终日谦谦。人情皆欲掩 其所短,见其所长。称其所长则悦,称其所短则愠。是故人驳其所短,似若 物冒之。情之愤闷,有若覆冒。是所谓驳其所乏,则婟也。覆冒纯塞,其心 烟戾。人情陵上者也。见人胜己皆欲陵之。陵犯其所恶,虽见憎,未害也。 虽恶我自伐,未甚疾害也。若以长驳短,是所谓以恶犯婟,则妒恶生矣。以 己之长, 驳人之短, 而取其害, 是以达者不为之也。凡此六机, 其归皆欲处 上。物之自大,人人皆尔。是以君子接物,犯而不校。知物情好胜,虽或以 小犯己,终不校拒也。不校,则无不敬下,所以辟其害也。务行谦敬,谁害 之哉。小人则不然。既不见机,不达妒害之机。而欲人之顺己,谓欲人无违 己。以佯爱敬为见异,孔光逡巡,董贤欣喜。以偶邀会为轻,谓非本心忿其 轻己。苟犯其机,则深以为怨。小人易悦而难事。是故观其情机,而贤鄙之 志可得而知也。贤明志在退下,鄙劣志在陵上。是以平淡之主,御之以正, 训贪者之所忧,戒幸者之所悲。然后物不自伐,下不陵上,贤否当位,治道 有序。

何谓观其所短,以知所长?夫偏材之人,皆有所短。智不能周也。故直之失也,讦。刺讦伤于义,故其父攘羊,其子证之。刚之失也,厉。刚切伤于理,故谏君不从,承之以剑。和之失也,愞。愞弱不及道,故宫之奇为人挠,不能强谏。介之失也,拘。拘愚不达事,尾生守信,死于桥下。夫直者不讦,无以成其直。既悦其直,不可非其讦。用人之直,恕其讦也。讦也者,直之徵也。非讦不能为直。刚者不厉,无以济其刚。既悦其刚,不可非其厉。用人之刚,恕其厉也。厉也者,刚之徵也。非厉不能为刚。和者不愞,无以保其和。既悦其和,不可非其懦。用人之和,恕其拘也。拘也者,和之徵也。非懦不能为和。介者不拘,无以守其介。既悦其介,不可非其拘。用人之介,恕其拘也。拘也者,介之徵也。非拘不能为介。然有短者,未必能长也。纯识之人,未能正直。有长者,必以短为徵。纯和之人,徵必愞弱。是故观其徵之所短,而其材之所长可知也。欲用其刚,必采之于厉。

何谓观其聪明,以知所达?夫仁者,德之基也。载德而行。义者,德之 节也。制德之所宜也。礼者,德之文也。礼,德之文理也。信者,德之固也。 固,德之所执也。智者,德之帅也。非智不成德。夫智出于明。明达乃成智。 明之于人, 犹昼之待白日, 夜之待烛火。火日所以照昼夜, 智达所以明物理。 其明益盛者, 所见及远。火日愈明, 所照愈远, 智达弥明, 理通弥深。及远 之明,难。圣人犹有不及。是故守业勤学,未必及材。生知者上,学能者次。 材艺精巧,未必及理。因习成巧,浅于至理。理义辨给,未必及智。理成事 业,昧于玄智。智能经事,未必及道。役智经务,去道远矣。道思玄远,然 后乃周道无不载,故无不周。是谓学不及材,材不及理,理不及智,智不及 道。道智玄微,故四变而后及。道也者,回复变通。理不系一,故变通之。 是故别而论之,各自独行,则仁为胜。仁者济物之资,明者见理而已。合而 俱用,则明为将。仁者待明,其功乃成。故以明将仁,则无不怀。威以使之, 仁以恤之。以明将义,则无不胜。示以断割之宜。以明将理,则无不通。理 若明练,万事乃达。然则苟无聪明,无以能遂。暗者昧时,何能成务成遂。 故好声而实不克,则恢。恢迂远于实。好辩而理不至,则烦。辞烦而无正理。 好法而思不深,则刻。刻过于理。好术而计不足,则伪。诡诬诈也。是故钧 材而好学,明者为师。比力而争,智者为雄。等德而齐,达者称圣。圣之为 称,明智之极明也。是以动而为天下法,言而为万世范,居上位而不亢,在 下位而不闷。是以观其聪明,而所达之材可知也。

【大意】

八观:一是观察一个人对待争夺和救济的态度,以分辨他是否反复变化,没有恒性;二是观察一个人的感情变化和反应,以了解他为人的基本准则;三是观察一个人的至性本质,以知道他的名声是否与实际相符;四是观察一个人的行为表现,以辨识他所作所为是否似是而非;五是观察一个人对别人的爱敬态度,以判断他为人处世之道的成败;六是观察一个人的情绪欲望,以明了他是宽恕还是疑惑;七是观察一个人的短处,以认识他的长处;八是观察一个人是否聪明,以分析他所能通达的方面。

"八观"之说,在人才的鉴定方面给我们提供了详细的可操作的方法。 尤其可贵的是他告诉我们要根据性情的常和变,多方面,综合地考察一个人 的真实情况,这样才能去粗取精,去伪存真,由此及彼,由表及里。

此外,以一个人的短处发现其长处,也是颇有见地的评鉴人材的方法。 这些都具有很强的现实意义。

七缪第十 人物之理,妙而难明,以情鉴察,缪犹有七。

七缪:一曰,察誉,有偏颇之缪。微质不明,故听有偏颇也。二曰,接物,有爱恶之惑。或情同,忘其恶,或意异,违其善也。三曰,度心,有小大之误。或小知而大无成,或小暗而大无明。四曰,品质,有早晚之疑。有早智而速成者有晚智而晚成者。五曰,变类,有同体之嫌。材同势均,则相竞,材同势倾,则相敬。六曰,论材,有申压之诡。藉富贵则惠施而名申,处贫贱则乞求而名压。七曰,观奇,有二尤之失。妙尤含藏,直尤虚瑰,故察难中也。

夫采访之要,不在多少。事无巨细,要在得正。然徵质不明者,信耳而 不敢信目。目不能察而信于耳。故人以为是,则心随而明之。人以为非,则 意转而化之。信人毁誉,故向之所是,化而为非。虽无所嫌,意若不疑。信 毁誉者心虽无嫌, 意固疑矣。且人察物, 亦自有误。爱憎兼之, 其情万原。 明既不察,加之爱恶是非,是疑岂可胜计。不畅其本,胡可必信。去爱憎之 情,则实理得矣。是故知人者,以目正耳。虽听人言,常正之以目。不知人 者,以耳败目。亲见其诚,犹信毁而弃之。故州闾之士,皆誉皆毁,未可为 正也。或众附阿党,或独立不群。交游之人誉不三周,未必信是也。交结致 誉,不三周,色貌取人,而行违之。夫实厚之士,交游之间,必每所在肩称。 言忠信,行笃敬,虽蛮貊之邦行矣。上等援之,下等推之,蛮貊推之,况州 里乎。苟不能周,必有咎毁。行不笃敬者,或谄谀得上而失于下,或阿党得 下而失于上。故偏上失下,则其终有毁。非之者多,故不能终。偏下失上, 则其进不杰。众虽推之,上不信异。故诚能三周,则为国所利。此正直之交 也。由其正直,故名有利。故皆合而是,亦有违比。或违正阿党,故合而是 之。皆合而非,或在其中。或特立不群,故合而非之。若有奇异之材,则非 众所见。奇逸绝众,众何由识,而耳所听采,以多为信。不能审查其材,但 信众人言也。是缪于察誉者也。信言察物,必多缪失。是以圣人如有所誉, 必有所试。

夫爱善疾恶,人情所常。不问贤愚,情皆同之也。苟不明质,或疏善,善非。非者见善,善者见疏,岂故然哉,由意不明。何以论之。夫善非者,虽非犹有所是。既有百非,必有一是。以其所是,顺己所长,恶人一是,与己所长同也。则不自觉情通意亲,忽忘其恶。以与已同,忘其百非,谓矫驾为至孝,残桃为至忠。善人虽善,犹有所乏。虽有百善,或有一短。以其所乏,不明己长。善人一短,与己所长异也。以其所长,轻己所短,则不自知志乖气违,忽忘其善,以与己异,百善皆弃,谓曲杖为匕首,葬楯为反具耶。是惑于爱恶者也。徵质暗昧者,其于接物常以爱恶惑异其正。

夫精欲深微,质欲懿重,志欲弘大,心欲嗛小。精微,所以入神妙也。 愞则失神。懿重,所以崇德宇也。躁则失身。志大,所以戡物任也。小则不 胜。心小,所以慎咎悔也。大则骄陵。故诗咏文王,"小心翼翼","不大 声以色",小心也。言不贪求大名,声见于颜色。"王赫斯怒","以对于 天下",志大也。故能诛纣,定天下,以致太平。由此论之,心小志大者, 圣贤之伦也。心小,故以服事殷,志大,故三分天下有其二。心大志大者, 豪杰之隽也。志大而心又大,故名豪隽。心大志小者,傲荡之类也。志小而心阔远,故为傲荡之流也。心小志小者,拘愞之人也。心近志短,岂能弘大。众人之察,或陋其心小,见沛公烧绝栈道,谓其不能定天下。或壮其志大,见项羽号称强楚,便谓足以匡诸侯。是误于小大者也。由智不能察其度,心常误于小大。

夫人材不同,成有早晚,有早智而速成者,质清气朗,生则秀异,故童乌苍舒,总角曜奇也。有晚智而晚成者,质重气迟则久乃成器,故公孙含道,老而后章。有少无智而终无所成者,质浊气暗,终老无成,故原壤年老,圣人叩胫而不能化。有少有令材遂为隽器者。幼而通理,长则愈明,故常材发奇于应宾,效德于公相。四者之理,不可不察。当察其早晚,随时而用之。夫幼智之人,材智精达,然其在童髦皆有端绪。仲尼戏言俎豆,邓艾指图军旅。故文本辞繁,初辞繁者,长必文丽。辩始给口。幼给口者,长必辩论也。仁出慈恤,幼慈恤者,长必矜人。施发过与。幼过与者,长必辩论也。仁出慈恤,幼慈恤者,长必矜人。施发过与。幼过与者,长必辩施。慎生畏惧,幼多畏者,长必谨慎。廉起不取。幼不妄取,长必清廉。早智者浅惠而见速,见小事则达其形容。晚成者奇识而舒迟,智虽舒缓,能识其妙。终暗者并困于不足,事务难易,意皆昧然。遂务者周达而有余。事无大小,皆能极之。而众人之察,不虑其变,常以一概,责于终始。是疑于早晚者也。或以早成而疑晚智,或以晚智而疑早成,故于品质,常有妙失也。

夫人情莫不趣名利,避损害。名利之路,在于是得。是得在己,名利与 之。损害之源,在于非失。非失在己,损害攻之。故人无贤愚,皆欲使是得 在己。贤者尚然,况愚者乎。能明己是,莫过同体。体同于我,则能明己。 是以偏材之人,交游进趋之类,皆亲爱同体而誉之,同体能明己,是以亲而 誉之。憎恶对反而毁之。与己体反,是以恶而疏之。序异杂而不尚也。不与 己同,不与己异,则虽不憎,亦不尚之。推而论之,无他故焉。夫誉同体, 毁对反,所以证彼非而著己是也。由与己同体,故证彼非,而著己是也。至 于异杂之人,于彼无益,于己无害,则序而不尚。不以彼为是,不以己为非, 都无损益,何所尚之。是故同体之人,常患于过誉,譬惧为力人,则力小者 慕大,力大者提小,故其相誉,常失其实也。及其名敌,则鲜能相下。若俱 能负鼎,则争胜之心生,故不能相下。是故直者性奋,好人行直于人。见人 正直,则心好之。而不能受人之讦。刺己之非,则讦而不受。尽者情露,好 人行尽于人,见人颖露,则心好之。而不能纳人之径。说己径尽,则违之不 纳。务名者乐人之进趋过人,见人乘人,则悦其进趋。而不能出陵己之后。 人陵于已,则忿而不服。是故性同而材倾,则相援而相赖也。并有旅力,则 大能奖小。性同而势均,则相竞而相害也。恐彼胜己,则妒善之心生。此又 同体之变也。故或助直而毁直。人直过于己直,则非毁之心生。或与明而毁 明。人明过于己明,则妒害之心动。而众人之察不辨其律理,是嫌于体同也。 体同尚然,况异体乎。

夫人所处异势,势有申压。富贵遂达,势之申也。身处富贵,物不能屈,是以佩六国之印,父母迎于百里之外。贫贱穷匮,势之压也。身在贫贱,志何申展,是以黑貂之裘弊,妻嫂堕于闺门之内。上材之人,能行人所不能行。凡云为动静,固非众人之所及。是故达有劳谦之称,穷有著明之节。材出于众,其进则裒多益寡,劳谦济世,退则履道坦坦,幽人贞吉,中材之人,则随世损益。守常之智,申压在时,故势来则益,势去则损。是故籍富贵则货财充于内,施惠周於外。赀材有余,恣意周济。见赡者,求可称而誉之。感

其恩纪, 匡救其恶, 是以朱建受金, 而为食其画计。见援者, 阐小美而大之。 感其引援,将顺其美,是以曹丘见接,为季布扬名。虽无异材,犹行成而名 立。夫富与贵可不欣哉,乃至无善而行成。无智而名立。是以富贵妻嫂恭, 况他人乎。处贫贱,则欲施而无财,欲援而无势。有慈心而无以拯,识奇材 而不能援。亲戚不能恤,朋友不见济。内无疏食之馈,外无缊袍之赠。分义 不复立,恩爱浸以离。意气皆空薄,分意何由立。怨望者并至,归非者日多。 非徒薄己,遂生怨谤之言。虽无罪尤,犹无故而废也。夫贫与贱可不慑哉, 乃至无由而生谤,无罪而见废,是故贫贱妻子慢,况他人乎。故世有侈俭, 名由进退。行虽在我,而名称在世,是以良农能稼,未必能穑。天下皆富, 则清贫者虽苦,必无委顿之忧。家给人足,路人皆馈之。且有辞施之高,以 获荣名之利。得辞施之高名,受余光之善利。皆贫,则求假无所告,家贫户 乏,粟成珠玉。而有贫乏之患,且生鄙吝之讼。乞假无遗,与嫂叔争糟糠。 是故钧材而进有与之者,则体益而茂遂。己既自足,复须给赐,则名美行成, 所为遂达。私理卑抑有累之者。己既不足,亲戚并困。则微降而稍退。上等 不援,下等不推。而众人之观,不理其本,各指其所在,谓申达者为材能, 压屈者为愚短。是疑于申压者也。材智虽钧,贵贱殊途,申压之变,在乎贫

夫清雅之美, 著乎形质, 察之寡失。形色外著, 故可得而察之。失缪之 由,恒在二尤。二尤之生,与物异列。是故非常人之所见。故尤妙之人,含 精于内,外无饰姿。譬金冰内明而不外朗,故冯唐白首屈于郎署。尤虚之人, 硕言瑰姿,内实乖反。犹烛火外照,灰烬内暗,故主父偃辞丽,一岁四迁。 而人之求奇,不可以精微测其玄机,明异希。其尤奇异,非精不察。或以貌 少为不足,睹鬷蔑貌恶,便疑其浅陋。或以瑰姿为巨伟。见江充貌丽,便谓 其巨伟。或以直露为虚华,以其欵尽,疑无厚实。或以巧饬为真实。巧言如 流,悦而睹之。是以早拔多误,不如顺次。或以甘罗为早成而用之,于早岁, 或误复欲顺次也。夫顺次,常度也。苟不察其实,亦焉往而不失。徵质不明, 不能识奇,故使顺次,亦不能得。故遗贤而贤有济,则恨在不早拔。故郑伯 谢之于烛武。拔奇而奇有败。则患在不素别。故光武悔之于朱浮。任意而独 缪,则悔在不广问。秦穆不从蹇叔,虽追誓而无及。广问而误己,则怨己不 自信。隗嚣心存于汉,而为王元所误。是以骥子发足,众士乃误。韩信立功, 淮阴乃震。夫岂恶奇而好疑哉。乃尤物不世见,而奇逸美异也。故非常人之 所识也。是以张良体弱,而精疆为众智之隽也。不以质弱而伤于智。荆叔色 平,而神勇为众勇之杰也。不以色和而伤于勇。然则隽杰者,众人之尤也。 奇逸过于众人,故众人不能及。圣人者,众尤之尤也。通达过于众奇,故众 奇不能逮。其尤弥出者,其道弥远。非天下之至精,其孰能与于此。故一国 之隽,于州为辈,未得为第也。郡国之所隽异,比于州郡,未及其第目。一 州之第,于天下为椳。州郡之所第目,以比天下之隽,椳而不可及。椳,一 回反,枢也。天下之椳,世有优劣。英人不世继,是以伊,召,管,齐,应 运乃出。是故众人之所贵,各贵其出己之尤,智材胜己,则以为贵。而不贵 尤之所尤。尤之尤者,非众人之所识。是故众人之明,能知辈士之数,众人 明者,粗知郡国出辈之士而已。而不能知第目之度。乃未识郡国品第之隽。 辈士之明,能知第目之度,出辈明者,粗知郡国第目之良。不能识出尤之良 也。未识出尤奇异之理。出尤之人,能知圣人之教,瞻之在前,忽焉在后。 不能究之入室之奥也。如有所立卓尔,虽欲从之,未由也已。由是论之,人

物之理,妙不可得而穷已。为当拟诸形容,象其物宜,观其会通,举其一隅而已。

【大意】

鉴定人物时有七种常见的谬误。一是考察名声,有偏于一方的错误;二是待人接物,会受到个人好恶之情的困扰;三是审度心志,有大小情况不分的错误;四是品评人材素质,会忽略早智与晚成的区别;五是辨误类型,有类别相同,不易看清的疑惑,六是评论才能,有受提拔和被压制的复杂情况;七是观察奇材,时常忽略对尤妙与尤虚之人的注意。

这些谬误的出现,原因在于:一是只信耳,不信目,人云亦云,不经过自己的观察分析;二是加杂个人的主观好恶,而不作客观冷静的评价,常常排斥异己;三是只看表面现象,不做深入了解;四是观察片面,缺少全面的分析;六是出于私人的恩怨,有意夸大或贬低对一个人的评价,七是一般人受自己的思想、视野的限制,无法了解有特殊才能的人或超过自己的人材。

效难第十一 人材精微,实自难知,知之难审,效荐之难。

盖知人之效有二难。有难知之难,尤奇游杂,是以难知。有知之而无由 得效之难。己虽知之,无由得荐。何谓难知之难?人物精微,智无形状,奇 逸精妙。能神而明,欲入其神,而明其智。其道甚难,固难知之难也。知人 则哲,惟帝难之,况常人乎。是以众人之察不能尽备。各守其一方而已。故 各自立度,以相观采。以己所能,历观众才。或相其形容,以貌状取人。或 候其动作,以进趋取人。或揆其终始,以发正取人。或揆其儗象,以旨意取 人。或推其细微,以情理取人。或恐其过误,以简恕取人。或循其所言,以 辞旨取人。或稽其行事。以功效取人。八者游杂,各以意之所可为准,是以 杂而无纪。故其得者少,所失者多。但取其同于己,而失其异于己,己不必 兼,故失者多。是故必有草创信形之误,或色貌取人而行违。又有居止变化 之谬。或身在江海,心存魏阙。故其接遇观人也,随行信名,失其中情。是 以圣人听言观行,如有所誉,必有所试。故浅美扬露,则以为有异。智浅易 见状似异美。深明沉漠,则以为空虚。智深内明,状似无实。分别妙理,则 以为离娄。研精至理,状似离娄。口传甲乙,则以为义理。强指物类,状似 有理。好说是非,则以为臧否。妄说是非,似明善否。讲目成名,则以为人 物。强议贤愚,似明人物。平道政事,则以为国体,妄论时事,似识国体。 犹听有声之类,名随其音。七者不能明,物皆随行而为之名,犹听猫音而谓 之猫,听雀音而谓之雀,不知二虫竟谓何名也。世之疑惑,皆此类也。是以 鲁国儒服者,众人皆谓之儒,立而问之,一人而已。夫名非实,用之不效。 南箕不可以簸扬,北斗不可挹酒浆。故曰,名犹口进,而实从事退。众睹形 而名之,故用而不验也。中情之人,名不副实,用之有效。真智在中,众不 能见,故无外名而有内实。故名由众退,而实从事章,效立则名章。此草创 之常失也。浅智无终,深智无始,故众人之察物,常失之于初。故必待居止, 然后识之,视其所止,观其所居,而焉不知。故居,视其所安。安其旧者, 敦于仁。达,视其所举。举刚直者,厚于义。富,视其所与。与严壮者,明 于礼。穷,视其所为。为经术者,勤于智。贫,视其所取。取其分者,存于 信。然后乃能知贤否。行此者贤,反此者否。此又已试,非始相也。试而知 之,岂相也哉。所以知质,未足以知其略。略在变通,不可常准。且天下之 人,不可得皆与游处。故视其外状,可以得一,未足尽知。或志趣变易,随 物而化。是以世祖失之庞萌,曹公失之董卓。或未至而悬欲,或已至而易顾。 李轶始专心于光武,终改顾于圣公。或穷约而力行,或得志而从欲。王莽初 则布衣折节,卒则穷奢极侈。此又居止之所失也。情变如此,谁能定之。由 是论之,能两得其要,是难知之难。既知其情,又察其变,故非常人之所审。 何谓无由得效之难?上材已莫知,已难识知。或所识者在幼贱之中,未 达而丧。未及进达,其人已丧。或所识者未拔而先没。未及拔举,已先没世。 或曲高和寡,唱不见赞。公叔座荐商鞅,而魏王不能用。或身卑力微,言不 见亮。禽息举百里奚,首足皆碎。或器非时好,不见信贵。窦后方好黄老, 儒者何由见进。或不在其位,无由得拔。卞和非因匠,所以抱璞泣。或在其 位以有所屈迫。何武举公孙录,而为王氏所推。是以良材识真,万不一遇也。 材能虽良,当遇知己。知己虽遇,当值明王。三者之遭,万不一会。须识真 在位, 识百不一有也。虽识己直, 或不在位。以位势值可荐致之, 宜十不一

合也。识己须在位,智达复须宜。或明足识真,有所妨夺,不欲贡荐。虽识辨贤愚而屈于妨夺,故有不欲。或好贡荐,而不能识真。在位之人,虽心好贤善,而明不能识。是故知与不知,相与分乱于总猥之中。或好贤而不识,或知贤而心妒,故用与不用,同于众总,纷然淆乱。实知者,患于不得达效。身无位次,无由效达。不知者,亦自以为未识。身虽在位,而不能识。所谓无由得效之难也。故曰知人之效,有二难。是以人主常当运其聪智,广其视听,明扬侧陋,旁求俊乂,举能不避仇雠,拔贤不弃幽隐,然后国家可得而治,功业可得而济也。

【大意】

了解人材而有效验有两种难处。其一,了解人的难处;其二,了解却无法举荐的难处。本来人的内心世界就很复杂,加之一般人的观察又不能全面把握,而评定标准又因人而异,所以很容易造成偏差。在了解了人物之后,所面临的举荐问题又会产生诸多困难。比如,有的曲高和寡,高声唱好,却不见颂扬;有的身世卑微,力量菲薄,入微言轻,不为人理解;有的举荐人不在其位,人材无以提拔……凡此种种,不一而足。故良材能遇到识别其真情的人,万人当中难有一个。所谓千里马常有,而伯乐不常有,即如此。

释争第十二 贤善不伐,况小事乎。释忿去争,必荷荣福。

盖善以不伐为大。为善而自伐其能,众人之所小。贤以自矜为损。行贤 而去自贤之心,何往而不益哉。是故舜让于德,而显义登闻。汤降不迟,而 圣敬日跻。彼二帝虽天挺圣德,生而上哲,犹怀劳谦,疾行退下。然后信义 登闻,光宅天位。郄至上人,而抑下滋甚。王叔好争,而终于出奔。此二大 夫矜功陵物,或宗移族灭,或逃祸出奔。由此观之,争让之道,岂不悬欤。 然则卑让降下者,茂进之遂路也。江海所以为百谷王,以其处下也。矜奋侵 陵者, 毁塞之险途也。兕虎所以撄牢槛, 以其性犷噬也。是以君子举不敢越 仪准,志不敢陵轨等。足不苟蹈,常怀退下。内勤己以自济,外谦让以敬惧。 独处不敢为非,出门如见大宾。是以怨难不在于身,而荣福通于长久也。外 物不见伤,子孙赖以免。彼小人则不然。矜功伐能,好以陵人,初无巨细, 心发扬以陵物。是以在前者人害之,矜能奔纵,人情所害。有功者人毁之, 恃功骄盈,人情所毁。毁败者人幸之。及其覆败,人情所幸。是故并辔争先, 而不能相夺。小人竞进,智不相过,并驱争险,更相蹈籍。两顿俱折,而为 后者所趋。中道而毙,后者乘之,譬兔殛犬疲,而田父收其功。由是论之, 争让之途,其别明矣。君子尚让,故涉万里而途清。小人好争,足未动而路 塞。然好胜之人,犹谓不然。贪则好胜,虽闻德让之风,意犹昧然,乃云古 人让以得,今人让以失,心之所是,起而争之。以在前为速锐,以处后为留 滞,故行坐汲汲,不暇脂车。以下众为卑屈,以蹑等为异杰,苟矜起等,不 羞负乘。以让敌为迴辱,以陵上为高厉。故赵穿不顾元帅彘子以偏师陷。是 故抗奋遂往,不能自反也。譬虎狼食生物,遂有杀人之怒。夫以抗遇贤,必 见逊下。相如为廉颇逡巡,两得其利。以抗遇暴,必构敌难灌夫不为田蚡持 下,两得其尤。敌难既构,则是非之理必溷而难明。俱自是而非彼,谁明之 耶。溷而难明,则其与自毁何以异哉?两虎共斗,小者死,大者伤,焉得而 两全。且人之毁己,皆发怨憾而变生衅也。若本无憾恨,遭事际会,亦不致 毁害。必依托于事,饰成端末。凡相毁谤,必因事类而饰成之。其于听者虽 不尽信, 犹半以为然也。由言有端角, 故信之者半。己之校报, 亦又如之。 复当报谤,为生翅尾。终其所归,亦各有半。信著于远近也。俱有形状,不 知其实是以近远之听,皆半信于此,半信于彼。然则交气疾争者,为易口而 自毁也。己说人之瑕,人亦说己之秽,虽詈人,自取其詈也。并辞竞说者, 为贷手以自殴。辞忿则力争,己既殴人,人亦殴己,此其为借手以自殴。为 惑缪岂不甚哉?借手自殴,借口自詈,非惑如何。然原其所由,岂有躬自厚 责,以致变讼者乎?己能自责,人亦自责,两不言竞,变讼何由生哉。皆由 内恕不足,外望不已。所以争者,由内不能恕己自责,而外望于人不已也。 或怨彼轻我,或疾彼胜己。是故心争终无休已。夫我薄而彼轻之,则由我曲 而彼直。曲而见轻,固其宜矣。我贤而彼不知,则见轻非我咎也。亲反伤也, 固其宜矣。若彼贤而处我前,则我德之未至也。德轻在彼,固所宜也。若德 均而彼先我,则我德之近次也。德均年次,固其常矣。夫何怨哉?且两贤未 别,则能让者为隽矣。材均而不争优劣,众人善其让。争隽未别,则用力者 为惫矣。隽等而名未别,众人恶其斗。是故蔺相如以回车决胜于廉颇,寇恂 以不斗取贤于贾复。此二贤者,知争途不可由,故回车退避,或酒炙迎送, 故廉贾肉袒,争尚泯矣。物势之反,乃君子所谓道也。龙蛇之蛰以存身,尺

蠖之屈以求伸,虫微物耳,尚知蟠屈,况于人乎。是故君子知屈之可以为伸, 故含辱而不辞。韩信屈于跨下之辱。知卑让之可以胜敌,故下之而不疑。展 喜犒齐师之谓也。及其终极,乃转祸而为福,晋文避楚三舍,而有城濮之勋。 屈仇而为友。相如下廉颇而为刎颈之交。使怨仇不延于后嗣,而美名宣于无 穷。子孙荷其荣荫,竹帛纪其高义。君子之道岂不裕乎。若偏急好争,则身 危当年,何后来之能福。且君子能受纤微之小嫌,故无变斗之大讼。大讼起 于纤芥,故君子慎其小。小人不能忍小忿之故,终有赫赫之败辱。小人以小 恶为无伤而不去, 故罪大不可解, 恶积不可救。怨在微而下之, 犹可以为谦 德也。怨在纤微,则谦德可以除之。变在萌而争之,则祸成而不救矣。涓涓 不息,遂成江河,水漏覆舟,胡可救哉。是故陈馀以张耳之变,卒受离身之 害。思复须臾之忿,忘终身之恶,是以身灭而嗣绝也。彭宠以朱浮之郄,终 有覆亡之祸。恨督责之小故,违终始之大计,是以宗夷而族覆也。祸福之机, 可不慎哉!二女争桑,吴楚之难作。季郈斗难,鲁国之衅作。可不畏欤,可 不畏欤。是故君子之求胜也,以推让为利锐,推让所往,前无坚敌。以自修 为棚橹。修己以敬,物无害者。静则闭嘿泯之玄门,动则由恭顺之通路。时 可以静,则重闭而玄嘿。时可以动,则履正而后进。是以战胜而争不形。动 静得节,故胜无与争,争不以力,故胜功见耳。敌服而怨不构。干戈不用, 何怨构之有。若然者悔恼不存于声色,夫何显争之有哉。色貌犹不动,况力 争乎。彼显争者,必自以为贤人,而人以为险诐者。以己为贤,专固自是, 是己非人,人得不争乎。实无险德,则无可毁之义。若信有险德,又何可与 讼乎?险而与之讼,是柙兕而撄虎,其可乎?怒而害人,亦必矣。《易》曰: "险而违者,讼。讼必有众起。"言险而行违,必起众而成讼矣。《老子》 曰:"夫惟不争,故天下莫能与之争"。以谦让为务者,所往而无争。是故 君子以争途之不可由也。由于争途者,必覆轮而致祸。

是以越俗乘高,独行于三等之上。何谓三等?大无功而自矜,一等。空 虚自矜,故为下等也。有功而伐之,二等。自伐其能,故为中等。功大而不 伐,三等。推功于物,故为上等。愚而好胜,一等。不自量度,故为下等。 贤而尚人,二等。自美其能,故为中等。贤而能让,三等。归善于物,故为 上等。缓己急人,一等。性不恕人,故为下等。急己急人,二等。褊戾峭刻, 故为中等。急己宽人,三等。谨身恕物,故为上等。凡此数者,皆道之奇, 物之变也。心不纯一,是为奇变。三变而后得之,故人莫能远也。小人安其 下等,何由能及哉。夫唯知道通变者,然后能处之。处上等而不失者也。是 故孟之反以不伐,获圣人之誉。不伐其功,美誉自生。管叔以辞赏,受嘉重 之赐。不贪其赏,嘉赐自致。夫岂诡遇以求之哉,乃纯德自然之所合也。岂 故不伐,辞赏,诡情求名耶,乃至直发于中,自与理会也。彼君子知自损之 为益,故功一而美二。自损而行成名立。小人不知自益之为损,故一伐而并 失。自伐而行毁名丧。由此论之,则不伐者,伐之也。不争者,争之也。不 伐而名章,不争而理得。让敌者,胜之也。下众者,上之也。退让而敌服, 谦尊而德光。君子诚能睹争途之名险,独乘高于玄路,则光晖焕而日新,德 声伦于古人矣。避忿肆之险途,独逍遥于上等,远燕雀于啁啾,疋鸣凤于玄 旷,然后德辉耀於来今,清光侔于往代。

【大意】

一个有成就的人(即人材)在处理人际关系时应该做到"不争"、"不 伐",即不争强好胜大出风头。而要时刻谦让以为本。文章把人分为三等, 没有功劳却自恃有功,一等;虽有功劳却骄傲自满,二等;功绩最大却不自夸,三等。谦让并不能埋没人的才华,《老子》说"夫惟不争,故天下莫能与之争",是有深刻道理的。

总之,《人物志》突出强调了一点,即聪明睿智是人材的核心素质,但在"德"的修养方面,必须以"平淡"为基础,如此才可能成为德才兼备之人,才可能成就大事业。

名著通览

朱熹(1130—1200),字元晦,一字仲晦,号晦庵,别称紫阳,徽州婺源(今属江西)人,侨寓建阳(今属福建)。

朱熹曾登绍兴进士第,历事高、孝、光、宁四朝。凡所奏闻,皆正心、诚意、齐治、平均之道。累官转运副使、焕章阁待制、秘阁修撰,终宝文阁待制。庆元年间致仕,不久卒。嘉泰初谥文,宝庆中赠太师,追封信国公,改徽国。

朱熹的理学在明清两代被提到儒学正宗地位。他本人也备受历代统治者的尊崇,淳祐时从祀孔庙,清康熙中升位为"十哲"之一。

《朱文公政训》是朱熹与门人弟子问答的语录汇编之一,虽署名为朱熹著,实则成于众弟子之手。

朱熹曾经做过南康等地的地方官,有相当丰富的为政经验。《政训》中的言论都是朱熹从自己的从政经历出发,对当时治国安民中存在的若干问题,提出自己的看法。它不仅部分地反映了朱熹的政治思想,而且,由于朱熹本人地位的缘故,所以对当时及以后的官吏都产生过不小的影响。

朱熹强调为官者要有仁爱之心,要心度大方,要以仁心感化庶民。 当官者要注意民事。"平易近民,为政之本",要以民事为重,军政次 之。

对不同的人要采取不同的管理方法,"临民以宽,待士以礼,驭吏以严。" 为政要令行禁止。号令要明,刑罚也不能弛。要以严为本,以宽济之。

对官吏的素质提出了较高的要求。要大公无私,不能存有个人杂念。要 勤于政务,不能偷懒,对于已了和未了之事,要做记录,以便心中有数,还 要定期清理,不拖沓延误。官吏本身须是"晓事底人",即明白事理,精明 能干。要"自高一着",比部属更有胆略和能力,方不致为属下所左右。还 要多次亲自动手处理实际问题,"熟后自会",从实际工作中摸索出方法, 积累经验。

对于部属,要立下规章制度加以约束,如针对拖拉作风,要限定界限, 逾期严究。 论世事曰:须是心度大方,包裹得过,运动得行。

今世士大夫,惟以苟且逐旋挨去为事,挨得时进且过,上下相咻以勿生事,不要十分理会事,且凭鹘突;才理会得分明,便做官不得。有人少负能声,及少经挫抑,却悔其太惺惺了了,一切刓方为圆,随俗苟且,自道是年高见识长进。当官者,大小上下以不见吏民、不治事为得策。曲直在前,只不理会,庶几民自不来,以此为止讼之道。民有冤抑,无处伸诉,只得忍遏;便有讼者,半年周岁不见消息,不得予决,民亦只得休和,居官者遂以为无讼之可听。风俗如此,可畏可畏!

被几个秀才在这里翻弄那吏文,翻得来难看。吏文只合直说,其事是如何,条贯是如何,使人一看便见方是。今只管弄闲语,说到紧要处,又只恁地带过去。

因论郡县政治之乖曰:民虽众,毕竟只是一个心,甚易感也。

吴英云:政治当明其号令,不必严刑以为威。曰号令既明,刑罚亦不可弛。苟不用刑罚,则号令徒挂墙壁尔。与其不遵以梗吾治,曷若惩其一以戒百?与其覆实检察于其终,曷若严其始而使之无犯?做大事,岂可以小不忍为心?

吾辈今经历如此,异时若有尺寸之柄,而不能为斯民除害去恶,岂不诚可罪耶?某尝谓今之世姑息不得,直须与他理会,庶几善弱可得存立。

或问:为政者当以宽为本,而以严济之?曰:某谓当以严为本,而以宽济之。《曲礼》谓"涖官行法,非礼威严不行。"须是令行禁止,若曰令不行、禁不止,而以是为宽,非也!

今人说宽政多是事事不管,某谓坏了这"宽"字。

为政,如无大利害,不必议更张,则所更一事未成,必哄然成纷扰,卒 未已也。至于大家,且假借之,故子产书引郑曰:"安定国家,必大焉先。"

问:为政更张之初,莫亦须稍严以整齐之否?曰:此事难断定说,在人如何处置,然亦何消要过于严?今所难者是难得晓事底人,若晓事底人历练多,事才至面前,他都晓得依那事分寸而施以应之,人自然畏服。今人往往过严者,多半是自家不晓,又虑人欺己,又怕人慢己,遂将大拍头去拍他,要他畏。

问治乱之机,曰:今看前古治乱,那里是一时做得?少是四、五十年, 多是一、二百年酝酿方得如此。遂俛首太息。

蜀远朝廷万有余里,择帅须用严毅,素有威名,足以畏压人心,则喜乱 之徒不敢作矣。

今之法家,惑于罪福报应之说,多喜出人罪以求福报。夫使无罪者不得直而有罪者得幸免,是乃所以为恶尔,何福报之有?《书》曰:"钦哉钦哉,惟刑之恤哉!"所谓钦恤者,欲其详审曲直,令有罪者不得免,而无罪者不得滥刑也。今之法官,惑于钦恤之说,以为当宽人之罪而出其死,故凡罪之当杀者,必多为可出之涂以俟奏裁,则率多减等,当斩者配,当配者徒,当徒者杖,当杖者笞,是乃卖弄条贯、舞法而受赃者耳,何钦恤之有?罪之疑者从轻,功之疑者从重。所谓疑者,非法令之所能决,则罪从轻而功从重,惟此一条为然耳,非谓凡罪皆可以从轻,而凡功皆可以从重也。今之律令亦有此条,谓法所不能决者,则俟奏裁。今乃明知其罪之当死,亦莫不为可生

之涂以上之,惟寿皇不然,其情理重者皆杀之。

杨通老相见,论纳米事。先生曰:今日有一件事最不好:州县多取于民,监司知之当禁止,却要分一分,此是何义理?又论广西盐曰:其法亦不密。如立定格,六斤不得过百钱,不知去海远处,搬担所费重,此乃许子之道,但当任其所之,随其所向,则其价自平。天下之事,所以可权衡者,正谓轻重不同,乃今一定其价,安得不弊?又论汀寇止四十人,至调泉、建、福三州兵,临境无寇,须令汀守分析。先生曰:才做从官,不带职出,便把这事做欠阙。见风吹草动便喜,做事不顾义理,只是简利多害少者为之。今士大夫皆有此病。

今赈饥之事,利七而害三,则当冒三分之害而全七分之利。然必欲求全, 恐并与所谓利者失之矣。

直卿言辛幼安帅湖南,赈济榜文只用八字,曰:"劫禾者斩,闭籴者配。" 先生曰:这便见得他有才,此八字若做两榜便乱道。又曰:要之,只是粗法。

因论保伍法,或曰此诚急务,曰:固是。先王比闾保伍之法,便是此法,都是从这里做起,所谓分数是也。兵书云:御众有多寡,分数是也。看是统驭几人,只是分数明,所以不乱。王介甫锐意欲行保伍法,以去天下坐食之兵,不曾做得成。范仲达为袁州万载令,行得保伍极好。自来言保伍法无及之者。此人有心力,行得极整肃,虽有奸细,更无所容。每有疑似无行止人,保伍不敢著,互相传送至县;县验其无他,方令传送出境。讫任满,无一寇盗。顷张定叟知袁州,托其询问,则其法已亡,偶有一县吏,略记大概。

某《保甲草》中所说,县郭四门外,置隅官四人,此最紧要,盖所以防卫县郭以制变。县有官府狱讼仓库之属,须是四面有个防卫始得,一个隅官须各管得十来里方可。诸乡则只置弹压之类,而不复置隅官,默寓个大小相维之意于其间。又后面子弟一段,须是著意理会。这个子弟真个要他用,非其他泛泛之比,须是别有个拔擢旌赏以激劝之乃可。此等事难处,须是理会,教他整密,无些罅缝方可。

今日言事,欲论一事一人,皆先探上意如何,方进文字。

为守令第一是民事为重,其次则便是军政。今人都不理会。

谓李思永曰:衡阳讼谍如何?思永曰:无根之讼甚多。先生曰:与他研 穷道理,分别是非曲直,自然讼少。若厌其多,不与分别,愈见事多。

官无大小,凡事只是一个公。若公时,做得来也精采,便若小官,人也望风畏服;若不公,便是宰相,做来做去也只得个没下稍。

人之仕宦不能尽心尽职者,是无那先其事而后其食底心。

尝叹州县官碌碌,民无所告诉,兼民情难知,耳目难得,其人看来如何明察,亦多有不知者。以此观之,若是见得分明,决断时岂可使有毫发不尽? 又叹云:民情难知如此,只是将什么人为耳目之寄!

如看道理,辨是非,须是自高一着。今做官人几时个个是阘冗人?多是要立作向上;那个不说道先着驭吏?少间无有不拱手听命于吏者。这只是自家不见得道理,事来都区处不下,吏人弄得惯熟,却见得高于他,只得委任之。

胡致堂言吏人不可使他知我有恤他之意,此说极好。小处可恤,大处不可恤。又曰:三、五十钱底可恤。若有人来理会,亦须治他。

某与诸公说下稍去仕宦不可不知,须是有旁通历,逐日公事开项逐一记。 了即勾了,未了须理会教了,方不废事。 当官文书薄历,须逐日结押,不可拖下。

廖德明赴潮倅告别,临行,求一安乐法。曰:圣门无此法。

人只任闲散不可,须是读书。又谓闲散是虚乐,不是实乐。

因说僧家有规矩严整,士人却不循礼,曰:他却是心有用处。今士人虽有好底。不肯为非,亦是他资质偶然如此,要之其心实无所用,每日闲慢时多。

问:精神收敛便昏是如何?曰:也不妨。又曰:昏毕竟是慢。如临君父 渊崖,必不如此。又曰:若倦,且磕睡些时无害。问:非是读书过当,倦后 如此,是才收敛来稍久便困。曰:便是精神短后如此。

今人掀然有飞扬之心,以为治国平天下如指诸掌,不知自家一个身心都安顿未有下落,如何说功名事业?怎生治人?古时英雄豪杰不如此。张子房不问着他不说,诸葛孔明甚么样端严?今学为英雄之学,务为跅弛豪纵,全不检点身心。某须是事事从心上理会起,举止动步,事事有个道理。一毫不然,便是欠阙了他。道理固是,天下事无不当理会,只是有先后缓急之序,须先立其本,方以次推及其余。

郭德元告行,先生曰:人若于日间,闲言语省得一两句,闲人客省见得 一两人也济事。若浑身都在闹场中,如何得进?

问气弱胆小之病,曰:只去做工夫,到理明而气自强,胆自大矣。

舜弼游屏山归,因说园甚佳,曰:园虽佳而人之志则荒矣。

平易近民,为政之本。

今之赋轻处更不可重,只重处减似那轻处可矣。

朋友言某官失了税簿,先生曰:此岂可失了?此是根本,无这个后如何稽考?所以《周官》建官,便皆要那史。所谓史,便是掌管那簿底。

问应事心便去了,曰:心在此应事,不可谓之出在外。

问事事当理则不必能容,能容则必不能事事当理,曰:容只是宽平不狭。 如这个人当杀则杀之,理合当杀,非是自家不容他。

天下万事,都是合做底,而今也不能杀定合做甚底事;对贤教人,也不曾杀定教人如何做。只自家日用间看甚事来,便做工夫。今日一样事来,明日又一样事来,预定不得。若指定是事亲,而又有事长;指定是事长,而又有事君。只日用间看有甚事来,便做工夫。

某在漳州,有讼田者契数十本,自崇宁起来事甚难考,其人将正契藏了, 更不可理会。某但索四畔众契比验,四至昭然,及验前后所断,情伪更不能 逃,理亦如是如此。

问:作事多始锐而终辍,莫是只为血气使?曰:虽说要义理之气。然血 气亦不可无。《孟子》气体之充,但要以义理为主耳。

德粹问:在四明守官要顾义理,才到利害重处则顾忌,只是挤一去如何? 先生曰:无他,只是志不立,却随利害走了。

人在官固当理会官事,然后做得官好。只是使人道是一好官人,须讲学立大本,则有源流。若只要人道是好官人,今日做得一件,明日又做一件,却穷了。德粹云:初到明州,问为学于沈叔晦,叔晦曰:若要读书,且于婺源山中坐。既在四明,且理会官事。先生曰:县尉既做了四年,滕德粹元不曾理事。

尧卿问:事来断制不下,当何以处之?曰:便断制不得,也着断制,不成掉了?又问:莫须且随力量做去?曰:也只得随力量做去。又问:事有至

理,理有至当,十分处今已看得七、八分,待穷来穷去,熟后自解,到那分数足处?曰:虽未能从容,只是熟后自会。只是熟,只是熟!

胡叔器问:每常多有恐惧,何由可免?曰:须是自下工夫,看此事是当恐惧不当恐惧。《遗书》云:治怒难,治惧亦难,克己可以治怒,明理可以治惧。若于道理见得了,何惧之有?

一日谓鲁可几曰:事不要察取尽。

因人之昏弱而箴之曰:人做事全靠这些子精神。

或问人因欲事事物物理会,然精神有限,不解一一都理会得,曰:固有做不尽底,但立一个纲程,不可先自放倒也。须静着心,实着意,沉潜反复,终久自晓得去。

郑子上问: 士君子多要回互以避娇激之名, 莫学颜子之浑厚否?曰: 浑厚自是浑厚, 今人只学一般回互底心意, 不是浑厚。浑厚是可做便做, 不计利害之谓。今却是计利害太甚, 做成回互耳, 其弊至于可以得利者无不为。如陈仲弓送宦者葬, 所谓有仲弓之志则可, 无仲弓之志则不可。因说东汉事势, 士君子欲全身远害,则有不仕而已。虽出仕,遇宦官纵横,如何畏祸, 不与他理会得?若未免仕,只得辞尊居卑,辞富居贫。若既要为大官,又要避祸, 无此理。

宋莒公曰:应从而违,堪供而阙,此六经之亚文也,谓子不从父不义之命,及力所不能养者,古人皆不以不孝坐之。义当从而不从,力可供而不供,然后坐以不孝之罪。

某作县,临行,请教于友人,友人曰:张直柔在彼,每事可询访之。某人到官,忽有旨令诸县造战船,召匠计之,所费甚巨。因亿临行请教之语,亟访策于张,张曰:此事甚易。可作一小者,计其丈尺,又广狭长短,即是推之,则大者可见矣。遂如其语为之,比成推算,比前所计之费减十之三四。其后诸县皆重有科敷,独是邑不扰而办。后其人知绍兴府,太后山陵被旨令应副钱数万,结砖为墙。其大小厚薄,呼砖匠于后园,依样造之,会其直比挽降之数减数倍,遂申朝廷,乞绍兴自认砖墙。正中宦者欺弊,遂急沮其请,只令绍兴府应副钱,不得干预砖墙事。

李椿年行经界,先从他家田上量起。今之辅弼,能有此心否?

王詹事守泉。初到任,会七邑宰劝酒,历告之以爱民之意,出一绝云: 九重天子爱民深,令尹宜怀恻怛心。今日黄堂一杯酒,使君端为庶民斟。七 邑宰皆为之感动。故吏民无人不畏爱,去之日,父老儿童攀辕者不计其数, 公亦为之垂泪。至今泉人犹怀之如父母。

辛幼安为闽宪,问政,答曰:临民以宽,待士以礼,驶吏以严。恭甫再 为潭帅,律己愈谨,驭己愈严。某谓如此方是。

吴公路作《南剑天柱滩记》曰:事如大小,为之必成;害无大小,除之 必去。此是其志。

龙泉簿范伯崇寄书来云:今日气象,官无大小,皆难于有为,盖通身是病,无下药处耳,安得大贤君子正其根本,使万目具举,吾民得乐其生耶? 严陵之政,远近能言之,盖恻怛之心发于诚然,加之明敏,何事不立?

主簿就职内大有事,县中许多薄书皆当管。某向为同安簿,许多赋税出入之簿,逐日点对佥押,以免吏人作弊。时某人为泉倅,薄书皆过其目,后归乡与说及,亦懵不知。他是极仔细官人,是时亦只恁呈过。

因说赈济曰:平居须是修陂塘始得。到得旱了,赈济委无良策,然下手

得早,亦得便宜。在南康时,才见旱,便刬刷钱物,库中得三万来贯,准氦 籴料,添支官兵,却去上供钱内借三万贯籴米,赈籴早时籴,得却籴钱还官中解发,是以不阙事。旧来截住客船籴三分米,至于客船不来。某见官中及上户自有米,遂出榜放客船米自,便不籴客船米,又且米价不甚贵。又曰:悔一件事,南康煞有常平米,是庚寅辛卯年大旱时籴,米价甚贵。在法不得减元价,遂不曾粜,当时只好粜了,上章待罪,且得为更新米一番,亦缘当时自有米,所以不动此米,久为南康官吏之害。

因论常平仓曰:某自典二州,知常平之弊,如此更不敢理会着。南康自有五、六万硕,漳州亦六、七万硕,尽是浮埃空壳,如何敢挑动?这一件事不知做甚合杀?某在浙东常奏云:常平仓与省仓不可相连,须要东西置立,令两仓相去远方可。每常官吏点检省仓,则挂省仓某号牌子;检点常平仓,则挂常平仓牌子。只是一个仓,互相遮瞒。今所在常平仓都教司法管,此最不是。少间太守要侵支,司法如何敢拗?通判虽管常平,而其职实管于司法,又所在通判,太率避嫌,不敢与知州争事,韩文公例以嫌不可否事者也。且如经总制钱、牙契钱、倍契钱之类,被尽知州瞒朝廷夺去,更不敢争。

与陈尉说治盗事。因曰:凡事须仔细体察,思量到人所思量不到处,防备到人所防备不到处,方得无事。又曰:凡事须是小心寅畏,若恁地麄心驾去不得。又曰:某尝作郡来,每见有贼发,则惕然皇恐,便思自家是长民之官,所以致此是何由?遂百种为收捉,捉得便自欢喜,不捉得则终夜皇恐。

因说郑惠叔爱惜官钱,云:某见人将官钱胡使,为之痛心。两为守皆承弊政之后,其所用官钱,并无分明。凡所送遗,并无定例,但随意所向为厚薄。问胥,皆云有时这般官员过往,或十千,或五千,后番或是这样,又全不送,白休了。某遂云:如此不得朝廷有个公库在这里?若过往官员,当随其高下多少与之,乃是公道,岂可把为自家私恩?于是立为定例,看甚么官员过此,便用甚么例送与之,却得公溥。后来至于凡入广诸小官,如簿尉之属,个个有五千之助,觉得意思尽好。

问:今之神祠,无义理者极多,若当官处于极无义理之神祠,虽系勅额, 凡祈祷之类,不往可否?曰:某当官所至,须理会一番。如仪案所具,合祈 祷神示;有无义理者,使人可也。

马子严见,言近有人作假书请托公事者,先生曰:收假书而不见下书之人,非善处事者。旧见吴提刑公路当官,凡下书者须令当听投下,却将书于背处观之,观毕,方发付其人,令等回书。前辈处事详密如此。又某当官时,有人将书来者,亦有法以待之。须是留其人吃汤,当面拆书,若无他,方令其去。

而今救荒甚可笑。自古救荒只有两说:第一是感召和气以致丰穰,其次只有储蓄之计。若待他饿时理会,更有何策?东边遣使去赈济,西边遣使去赈济,只讨得逐州几个紫绫册子来,某处已如何处置、已如何经画,原无实惠及民。或问先生向来救荒如何?曰:只是讨得紫绫册子,更有何策?

赈济无奇策,不如讲水利,到赈济时成甚事?向在浙东,疑山阴、会稽 二县刷饥饿的人少,通判郑南再三云数实,及仔细刷起三倍。

绍兴时去得迟,已无擘画,只依常行,先差一通判抄劄城下两县饥民。 其人不留意,只抄得四万来人,外县却抄得多,遂欲治之而不曾,却托石天 民重抄,得八万人,是时已迟,天民云:甚易!只关集大保长,尽在一寺, 令供出人之贫者。大保长无有不知数目,便办却分作数等赈济赈粜。其初令 画地图,量道里远近,就僧寺或庄宇,置粜米所于门首,立木窗,关防再入之人。

先生语次问浙东旱,可学云:浙东民户歌先生之德,先生曰:向时到部,州县有措置,亦赖朝廷应副得以效力,已自有名无实者多。因曰:向时浙东 先措置分户高下出米,不知有米无米不同,有徐木者献策,须是逐乡使相推 排有米者,时以事逼不曾行,今若行之,一县甚易。大抵今时做事,在州郡 已难,在监司尤难,以地阔远,动成文具。惟县令于民亲,行之为易。计米 之有无,而委乡之聪明、诚信者处之。聪明者人不能欺,诚信者人不忍欺。 若昏懦之人,为人所欺,谲诈之士,则务欲容私,此大不可。

建阳簿权县,有妇人,夫无以赡父母,欲取以归,事到官,簿断听离。 致道深以为不然,谓夫妇之义,岂可以贫而相弃,官司又岂可遂从其请?曰:这般事都就一边看不得。若是夫不才,不能育其妻,妻无以自给,又奈何?这似不可拘以大义。只怕妻之欲离其夫,别有曲折,不可不根究。直卿云其兄任某处,有继母与父不恤前妻之子,其子数人,贫窭不能自活,哀鸣于有司,有司以名分不便,只得安慰而遣之,竟无如之何。曰:不然。这般所在,当以官法治之也,须追出后母,责治戒励。若更离间前妻之子,不存活他,定须痛治。因云昔为浙东仓时,绍兴有继母与夫之表弟通,遂为接脚夫,擅用其家业,恣意破荡,其子不甘,来诉。初以其名分不便,却之,后赶至数十里外,其情甚切,遂与受理。委杨敬仲,敬仲深以为子诉母不便,某告之曰:曾与其父思量否?其父身死,其妻辄弃背与人私通而败其家业,其罪至此,官司若不与根治,则其父得不衔冤于地下乎?今官司只得且把他儿子顿在一边。渠当时亦以为然。某后去官,想成休了初追之急,其接脚夫即赴井,其有罪盖不可掩。

郡中出公牒,延郡士黄知录等入学,而张教授与旧职事沮格,至是先生下学,变色厉词曰:教授分教一邦,合当自行规矩,而今却容许多无行之人,争讼职事,都不成学校。士人先要识个礼义廉退之节,若寡廉鲜耻,虽能文要何用?

诣学学官以例讲书,谓诸生曰:且须看他古人道理意思如何,今却只做得一篇文字,读了望他古人道理意思处,都不曾见。

问先生禁漳民礼佛朝岳,皆所以正人心也。曰:未说到如此,只是男女混淆,便当禁约尔。侍坐诸公各言诸处浮巫瞽惑等事,先生蹙额嗟叹而已。 因举江西有玉隆万寿宫、太平兴国宫,每岁两处朝拜,不惮远近奔趋,失其本心,一至于此,曰:某尝见其如此,深哀其愚。上升一事,断无此理,岂有许多人一日同登天,自后又却不见一个登天之人?

郑湜问戢盗曰:只是严保伍之法。郑之:保伍之中,其弊自难关防,如保头等易得挟势为扰。曰:当今逐处乡村,举众有推服底人为保头,又不然,则行某漳州教军之法,以戢盗心,这是已试之效,因与说某在漳州,初到时,教习诸军弓射等事,皆无一人能之。后分许多军作三番,每月轮番入教场。挽弓及等者有赏,其不及者留在只管挽射,及等则止,终不及则罢之。两月之间,翕然都会射,及上等者亦多。

经界科半年便都了。以半年之劳,而革数百年之弊,且未说到久,亦须四、五十年,未便卒坏,若行,则令四县特作四楼,以贮簿籍,州特作一楼以贮四县之图帐,不与他文书混。阖郡皆曰不可者,只是一样人田多税少,便造说唪吓以为必有害无利,一样人有惮劳懒做事,却被那说所诬,遂合辞

以为不可,其下者因翕然从之。今之为县,真有爱民之心者十人,则十人以经界为利;无意于民者十人,而十人以经界为害。今之民,只教贫者纳税,富者自在收田置田,不要纳税,如此则人便道好,更无些事不顺,他便称颂为贤守。

因论漳、泉行经界事,假未得人势亦着做。古人立事,亦硬当着做,以死继之而已。韩魏公作相,温公在言路,凡事颇不以魏公为然,魏公甚被他激挠。后来温公作魏公祠堂记,却说得魏公事,分明见得魏公不可及处,温公方心服他。记中所载魏公之言曰:凡为人臣者,尽力以事君,死生以之,顾事之是非何如耳,至于成败,天也,岂可豫忧其不成,遂辄不为哉?公为此言时,乃仁宗之末、英宗之初,盖朝廷多故之时也。

客说社仓讼事,曰:如今官司鹘突,多无理会,不知莫办。因说如今委送事,不知属官能否,胡乱送去,更无分晓了绝时节。某在潭州时,州中僚属,朝夕相见,却自知得分晓,只县官无由得知。后来区处,每月版帐钱,令县官逐人轮番押来,当日留住,试以公事。又怕他鹘突写来,却与立了格式,云今蒙使府委送某事如何一;某人于某年月日,于某处理某事,某官如何断一;又于某时,某再理,某官如何断一;某今看详某事理如此,于条合如何结绝。如此,人之贤否,皆不得而稳。

今人狱事,只管理会要从厚,不知不问是非善恶,只务从厚,岂不长奸惠恶?大凡事付之无心,因其所犯,考其实情,重轻厚薄,付之当然可也,若从薄者固不是,只云我只要从厚,则此病所系亦不轻。某在长沙治一姓张人,初不知其恶如此,只因所犯追来,久之乃出头,适有大赦,遂且与编管。后来闻得此人凶恶不可言,人只是平白地打杀不问,门前有一木桥,商贩者自桥上过,若以柱杖拄其桥,必捉来吊缚,此等类甚多,若不痛治,何以惩戒?公等他日仕宦,不问官大小,每日词状须置一簿,穿字号,录判语;到事亦作一簿,发放文字亦作一簿,每日必勾了号,要一日内许多事都了方得。若或做不办,又作一簿记未了事,日日检点了,如此方不被人瞒了事。今人只胡乱随人来理会,来与不来都不知,岂不误事?

先生爱说"恰好"二字,云;凡事自有恰好处。

先生每与学者云:凡事无许多闲劳扰。

有亲戚托人求举,先生曰:亲戚固是亲戚,然荐人于人,亦须是荐贤始得,今乡里平平等人,无可称之实,某部不与发书<code>镓</code>。

择之劳先生人事之繁,答曰:大凡事,只得耐烦做将去,才起厌心便不得。

先生一日说及受赃者,怒形于言曰:某见此等人,只与大字面配去。徐 又曰:今说公吏不合取钱,为知县者自要钱矣。节节言之,为之吁叹。

侍先生到唐石。唐石有社仓,往往支发不时,故被人来告,先生云:救弊之道,在今日极是要严。不严,如何得实惠及此等细民?

道夫言察院黄公钹刚正,人素畏惮。其族有纵恶马踏人者,公治之急, 其人避之惟谨,公则斩其马足以谢所伤。先生曰:某南康临罢,有跃马于市 者,踏一小儿将死,某时在学中,令送军院,次日以属知录,晚过廨舍,知 录云:早上所喻已栲治如法。某既而不能无疑。回至军院,则其人冠屦俨然, 初未尝经拷掠也,遂将吏人并犯者讯之,次日吏人杖脊勒罢。偶一相识云: 此是人家子弟,何苦辱之?某曰:人命所系,岂可宽弛?若云子弟得跃马踏 入,则后日将有甚于此者矣。况州郡乃朝廷行法之地,保佑善良,抑挫豪横, 乃其职也。纵而不问,其可得耶?后某罢,诸公相饯于白鹿,某为极口说西铭"民吾同胞,物吾与也"一段。今之为秀才者便主张秀才,为武官者主张武官,为子弟者便主张子弟,其所陷溺,一至于此!

因说慢令致期谓之贼,曰:昔在同安作簿时,每点追税,必先期晓示。 只以一幅纸截作三片,用小榜遍贴,云本厅取几日点追甚乡分税,仰人乡户 司知委。只如此,到限日近时,纳者纷纷然,此只是一个信而已。如或违限 遭点,定断不恕,所以人怕。

大率文章盛则国家却衰,如康贞观、开元都无文章,及韩昌黎、柳河东以文显,而唐之治已不如前矣。汪圣锡云:国初制诏,虽麄却甚好。又如汉高八年诏与文帝即位诏,只三数句。今人敷衍许多,无过只是此个柱子。

杨通老问赵守断人立后事错了,人无所诉。曰:理却是心之骨,这骨子 不端正,少间万事一齐都差了。不知人心如何恁地这般都是要自用,不肯分 委属官,所以事丛杂,处置不暇,胡乱断去。在法,属官自合每日到官长处 共理会事,如不至者自有罪。今则属官虽要来,长官自不要他来,他也只得 休,这般法意是多少好?某尝说或是作县,看是状牒如何烦多,都自有个措 置。每听词状,集属官都来,列位于厅上,看有多少,均分之,各自判去。 若是眼前易事,各自处断;若有可疑等事,便留在,集众较量断去,无有不 当,则狱讼如何会壅?此非独为长官者省事,而属官亦各欲自效兼是,如簿 尉等初官,使之决狱听讼得熟,是亦教诲之也。某在漳州,丰宪送下状如雨, 初亦为随手断几件,后觉多了,恐被他压倒了,于是措置几只橱子,在厅上 分了头项,送下讼来,即与上簿合索案底索自入一厨,人案已足底,自入一 厨。一日集诸同官,各分几件去定夺,只于厅两边设幙位,令逐项叙来历, 末后拟判。俟食时即就郡厨办数味,饮食同坐,食讫,即逐人以所定事较量。 初间定得几个来,自去做文章,都不说着事情。某不免先为画样子,云某官 今承受提刑司判下状系某事一;甲家于某年某月某日有甚干照计几项,乙家 于某年某月某日有甚干照计几项,逐项次第写令状明一;甲家如何因甚么事 争起到官, 乙家如何来解释互论, 甲家又如何供对, 已前事分明了一; 某年 某月某日如何断一;某年某月某日家于某官番诉,某官又如何断,以后几经 番诉并画一。写出后面,却点对以前所断当否。或有未尽情节,拟断在后, 如此了却,把来看中间有拟得是底,并依其所拟断决,合追人便追人,若不 消追人,便只依其所拟,回申提刑司去;有拟得未是底,或大事可疑,却合 众商量,如此事都了,并无壅滞。杨通老云:天下事体,固是说道当从原头 理会来,也须是从下面细处理会将上始得。曰:固是。如做监司只管怕讼多, 措置不下, 然要省状也不得, 若不受词讼, 何以知得守令政事之当否, 全在 这里见得,只如入建阳,受建阳民户讼,这个知县之善恶便见得。如今做守 令,其弊百端,岂能尽防?如胥吏沉滞公事,邀求于人,人知可恶,无术以 防之,要好在严立程限他,限日到,自要苦苦邀索不得,若是做守令,有可 以白干沉滞底事,便是无头脑,须逐事上簿,逐事要了始得。某为守,一日 词诉,一日着到,合是第九日亦词讼,某却罢了此词讼,明日是休日,今日 便刷起,一旬之内有未了事,一齐都要了。大抵做官,须是令自家常闲,吏 胥常忙,方苦得。自家被文字来丛了,讨头不见,吏胥便来作弊。做官须是 立纲纪,纲纪既立,都自无事。如诸县发簿历到州,在法本州点对,自有限 月:如初间是本州磨算司便自有十日限,却交过通判审计司亦有五日限。今 到处并不管着限日,或迟延一月,或迟延两三月,以邀索县道,直待计嘱满

其所欲,方与呈州。初过磨算司使一番钱了。到审计司又使一番钱,到倅厅 发回呈州呈覆吏人,又要钱。某曾作薄,知其弊,于南康及漳州皆用限日。 他这般法意甚好,后来一向埋没了。某每到即以法晓谕,定要如此,亦使磨 底磨得仔细, 审底审得仔细, 有新簿旧簿不同处, 便批出理会。初间吏辈以 为无甚紧要,在漳州押下县簿,付磨算司及审计司限到满日,却不见到,根 究出乃是交点司未将上,即时决两吏,后来却每每及限。虽欲邀索,也不敢 迁延,县道知得限严,也不被他邀索。如此等事,整顿得几件,自是省事, 此是大纲纪。如某为守,凡遇支给官员俸给,预先示以期日,到此日,只要 一日支尽,更不留未支,这亦防邀索之弊。看百弊之多,只得严限以促之, 使他大段邀索不得。又曰:法初立时,有多少好意思,后来节次臣僚胡乱申 请,皆变坏了。今非独下之人不畏法,把法做文具事,上自朝廷,也只把做 文具行了,皆不期于必行。前夜说上下视法令皆为闲事,如不许州郡监司馈 送,几番行下,而州郡监司亦复如前,但变换名目,多是做忌日,去寺中焚 香,于是皆有折送,其数不薄。间有甚无廉耻者,本无忌日,乃设为忌日焚 香以图馈送者。朝廷诏令事事都如此无纲纪,人人玩弛,可虑可虑!又曰: 只如省部有时行下文字,尽有好处,只是后来付之胥吏之手,都没收杀。某 在漳州,忽行下文字,应诸州用铸印处,或有阙损磨灭底,并许申上重行改 造。此亦有当申者,如或有铸印处,乃是兵刑钱谷处,如尉有铸印,亦有管 部弓兵司理。主郡刑狱乃无铸印,后来申去,又如掉在水中一般。过得几时, 又行文字来,又申去,又休了。如今事事如此,省部文字一付之吏手,一味 邀索,百端阻截。如某在绍兴,有诏助米人从县保明到州,州保明到监司, 监司方与申部,忽然部中又行下一文字来,再令保明,某遂与逐一详细申去, 已云从下一一保明讫,未委今来因何再作行移?如此申去休了。后来忽又行 下来,云助米人称进士,未委是何处,几时请到文解,还是乡贯如何,仰一 一牒问上来。这是叵耐不叵耐?他事事敢如此邀求取索。当初朝廷只许进士 助米,所谓进士,只是科举终场人,如何恁地说?某当时若便得这省吏在前, 即时便与刺两行字配将去,然申省去将谓省官须治此吏,那里治他?

吾辈不用有忿世嫉恶之意,第常自体此心宽明无系累,则日充日明,岂可涯涘耶?

今为避祸之说者,固出于相爱,然得某壁立万仞,岂不益为吾道之光? 或有人劝某宜略从时,某答之云:但恐如草性,锻炼得无性了,救不得 病耳。

名著通览

章梫(生卒年不详),光绪进士初及第。在光绪和宣统两朝先后任实录馆纂修、国史馆协修和翰林院检讨等职。年少时好读儒家书籍,对帝王统治之道尤感兴趣,他在"观历代兴衰之故,考列朝因革之原"的基础上,认为康熙之治冠于"百王之治",于是萌生效仿唐朝吴兢之《贞观政要》而作《康熙政要》的念头。为了实现这一宏愿,章梫利用自己的任职条件,广泛搜集正史材料,慎重甄录相关文集,对稗官野史则抱着"不敢杂厕"的看法。与此同时,他又主动地同讲习馆同事"朝夕讨论",自谓"再易寒暑"后,终于写成了《康熙政要》二十四卷合四十二篇。

康熙帝在历史上众多的封建帝王中,可算得上是一位雄才大略、卓然不群的皇帝。他那敏锐的洞察力,高尚的道德情操,坚强的意志,非凡的秉赋,渊博的学识,高雅的文化素养,都给人留下了很深的印象。《康熙政要》这部书主要记载了他平时为政处事时的一些训诫和言谈,其中包括君道、任贤、宽仁、俭约、谦让等诸多方面。从这些言论中我们可以大略了解一下他的政治观念和思想内涵。

全文及大意

论君道

康熙六年,圣祖躬亲大政治谕天下曰:"朕以冲龄,嗣登大宝。辅政臣索尼等,谨遵皇考世祖章皇帝遗诏,辅理政务,殚心效力,七年于此。今屡次奏请,朕承太皇太后之命,躬理万机。惟天地祖宗,付托之重。海内臣庶,望治方殷。朕以凉德夙夜只惧。天下至大,政务至繁,非朕躬所能独理。宣力分猷,仍惟辅政臣诸王贝勒内外文武大小各官是赖。务各殚忠尽职,洁已爱民,任怨任劳,不得辞避。天下利弊,必以上闻。朝廷德意,期於下究。庶政举民安,早臻平治。凡我军民,宜仰体朕心,务本兴行,乐业安生,以迓休宁之庆。政在养民,敢虚天地生成之德?当时亲政,恒念祖宗爱月之心。布告天下,咸使闻知"。

是年又谕吏部等衙门曰:"民为邦本,必使家给人足,安生乐业,方可 称太平之治,近闻直隶各省,民多失所,疾苦颠连,深可悯念。或系官吏贪 酷,朘削穷黎;抑或法制未便,致民失业。果何道以遂其生耶?一切民生利 病,应行应革,尔内外各衙门大小文武等官,念切民依,其各抒所见毋隐。 宏文院侍读熊赐履奏:"臣备员侍从,遇皇上虚己求言,不敢摭拾浮词,以 混宸听, 谨因圣谕所及而推本言之。伏读诏书曰: '今闻直隶各省人民,疾 苦困穷,深可悯念,或因官吏朘削,或因法制未便。'此真二帝三王之用心 也!但国家日言生聚,而凋敝愈甚。日言轸恤,而疮疾不起。日言招集、言 蠲免,而流离琐尾之状,不可胜言。溯厥由来,诚如圣谕所云者,盖小民征 终岁勤劳,仅给俯仰之资。而夏税秋粮朝催暮督,私派信于官征,杂项浮于 正额,设一旦水旱频仍,饥馑见告。蠲赋则吏收其实而民受其名。赈济则官 境其肥而民重其瘠。此不独守令之过也!上之则监司,又上之有督抚。有司 之职业在地方,上官之激劝在举劾。伏乞皇上将见任督抚大加甄别,贤能者 加衔久任,贪污不肖者,立赐罢斥,毋令久居民上。嗣后督抚缺出,不拘内 外臣工,果有端方清正,望重才优者,敕部院大臣,从公保举,授以兹任。 其考课也,以民生之苦乐,为守令之贤否,以守令之贪廉,为督抚之优劣, 则廉者以劝,贪者以惩。有利必兴,有害必除,而民之不得所者寡矣。此圣 谕所已及,而臣详切言之者也。虽然,内臣者,外臣之表也。京师者,四方 之倡也。本原之地,亦在乎朝廷而已。臣请择其重且大者言之:一曰政事纷 更,而法制未定。我国家章程法度,其闲者有积重难返者,不闻略加整顿, 而急功喜事之人,又从而意为更变,但知趋目前尺寸之利,以便其私,而不 知无穷之弊,已潜倚暗伏于其中,朝举夕罢,以至盈廷聚讼,甲令游移,此 时事之最急者也。伏乞圣之敕下议政王、贝勒、大臣、九卿、科道,将国家 法度,详慎会议,凡沿革损益,参以古制,酌以时宜,勒成会典,颁示天下, 则上有道揆,下有法守,垂于无疆之业在此矣。一曰职业日废,而士气日靡。 国家之设官也,满汉相制,堂属相维,正欲其同寅协恭,俾责无他卸。近见 各衙门大小臣工,大率默缄依阿,绝少实心任事之人,甚至托老成慎重之名, 以济尸位素餐之计。树议者谓之疏狂,任事者目为躁竞,廉静者斥为矫情, 端方者笑为迂腐。间有修身体道读书穷理之士,则群指为道学而非笑之,百 计诋诽,必禁锢其终身而后已。伏乞皇上位振颓风,作养士气,申饬满汉诸 臣,虚衰酌理,实意任事,是则曰是,非则曰非。汉官勿以阿附满官为工,

堂官勿以偏任司官为计,宰执尽心论思,而不必以唯若为休容。台谏极力纠 绳,而不必以钳结为将顺。则职业修养,官箴整肃矣。一曰学校废弛,而文 教日衰。学校为贤才之薮,教化之基,而学术事功之根柢也。今庠序之教, 缺焉不讲,师道不立,经训不明。士子惟揣摩举业以为取科名之具,绝不知 读书讲学,以求圣贤理道之归。其高名者,又或泛滥百家,沈瀹二氏惑世诬 民,莫此为甚。伏乞皇上隆重师儒,兴起学校,畿辅则现成学院,各省则责 成学道,使之统率于士子,讲明正学,非六经语孟之书不读,非濂洛关闽之 学不讲,敦崇实行,扶持正教,命府州县择士子中志趣端卓、英俊可造者, 各举一二人, 贡之国雍, 宽其馆舍, 厚其廪饩。又廷臣中择道德高劭之人, 俾司成均,日进诸生而陶淑之,其道必本于伦,达乎天德。其教自洒扫应对, 以致于义精仁熟,渐摩诱掖,循循有序,三载之后,学成材就,司成次其优 劣,汇送吏部,量之材之大小之浅深而授之秩,其公卿大夫之子弟亦如之。 至于山林隐逸之士,有经明修德,德业完备者,仍请敕下地方官,悉心咨访, 据实奏闻,朝廷优礼延聘,加以褒崇,以为士习人心之劝,则道术以正,学 术以明,教化大行,人材日盛,其有补于国家也,宁浅鲜哉?一曰风俗僭侈, 而礼制日废。礼者圣王所以节性防淫,而维系人心者也。臣观今日风俗,奢 侈陵越,不可殚述,一裘而费中人之产,一宴而糜终岁之需,舆隶披贵介之 衣,倡优拟命妇之饰,此饥之本寒之源,而盗贼狱讼所由起也。然礼教之行, 处贵近始,伏乞皇上躬行节俭,为天下先,以王公及士庶,凡官室车马衣服 仆从一切器用之属, 俱之定经制, 限以成数, 颁亦天下, 俾恪为遵守, 不许 少有逾越。久之俭德日彰,贪风日息,民俗醇而人心厚,几于敦庞之治不难 矣。虽然,皇躬者又万几所受裁,而万化所从出也。我皇上神明大纵,睿哲 性成,今春秋方富,薰陶德生,端在此时,伏乞慎先耆儒硕德。置之左右, 优以保衡之任,使之从容闲䜩,讲论道理,启沃宸衷,涵养圣德。又妙选天 下英俊,陪侍法从,以备顾问,毋徒事讲幄虚文。若夫《大学衍义》一书, 叙千圣之心传,备百王之治统,伏愿皇上朝夕讲贯,证诸公经之文,通诸历 代之史,以为敷政出治之本。至于左右近习,必端厥选,内而深宫䜩闲,外 而大廷广众, 微而起居言动, 凡所以维持此身者, 无所不备。防闲此心者, 无所不周,则君志清明,君身强固,坐收礼乾行健之成功。是皇上直接二帝 三五相传之心法,自有以措斯世斯民于唐虞三代之盛,又何吏治不清民生不 遂足虑哉?此又圣谕所未及;而臣推本言之者也。"疏入,报闻。

康熙十一年。圣祖召讲官等至懋勤殿谕曰:"汉官中有请令言官以风闻言事者,朕思忠爱之言,切中事理,患其不多。若不肖之徒,借端生事,假公济私,人主不察,必至侵害善良,扰乱国政为害甚巨。"又来曰:"从来与民休息,道在不扰,与其多一事不如省一事。朕观前代君臣,每好大喜功,劳民伤财,紊乱旧章,虚耗元气,上下讧嚣,民生日蹙,深可为鉴。"熊赐履奏曰:"皇上此谕,诚千古为治之要道也。"

康熙十二年。圣祖御弘德殿,讲官讲讲华,谕进进官等曰:"从来民生不遂,由于吏治不清,长吏贤则百姓自安矣。天下善事俱是分所当为,近见有寸长片善,便自矜夸,是好名也。"又谕曰:"有治人无治法,但真能任事者,亦难得。朕观人必先心术,次才学,必术不善,纵有才学何用?"然赐履奏曰:"圣谕及此,诚知人之要道也。"寻又谕讲官等曰:"从来君臣一心图治,天下不患不治,此等光景,未易多得。朕与诸臣,何可不交勉之?"熊赐履奏曰:"为政端在得人,故用舍黜陟,人主出治人大权,最当审量者

也。"圣祖曰:"知人难,用人不易,至治之道,全关于人。朕即欲不尽心不可得也。"又谕讲官等曰:"致治之道,不宜太骤,但须日积月累,久之自在成效。朕平日读方穷理,总是要讲求治道,是诸实行,不徒言耳!"又谕曰:"人主势位崇高,何求不得?但须有一段敬畏之意,自然不至差错。即有差错,自能省政。若任意率行,略不加谨,鲜有不失之纵佚者,朕每念及此,未尝一刻敢暇逸也。"熊赐履奏曰:"圣谕及此,即尧舜兢业之心也。"

康熙十六年,讲官喇沙里、陈廷敬等进讲《孟子·一暴十寒》章。圣祖曰:"君子进则小人退,小人进则君子退。君子小人,势不并立。孟子所谓一暴十寒,于进君子退小人,亲贤远佞之道,最为明快,人君诚不可不知也。"又谕讲官曰:"尔等进讲经书,皆内圣外五修齐治平之道,朕孜孜详询,每讲之时必专意以听,但学问无穷,不在徒言,要惟当躬行实践,方有益于所学。尔等仍直言无隐,以助朕好学进修之意。"

康熙十八年。圣祖谕浙江巡抚李本晟曰:"近来兵多不能调和,尔应尽心料理,每见各省督抚料理事务,所见只在一省,不能通行,凡事应悉心区划,从天下大计起。李本晟奏曰:"目前惟兵最急,民富则国裕,民穷则饷兵无从而办。"圣祖曰:"百姓足,君孰与不足?百姓不足,君孰与足?古今不易之理也。"

康熙二十三年,圣祖谕大学士等曰:"朕凡裁决政务,必求致当,故于部院奏章,虽小事亦未尝不尽心详酌。近见户刑二部奏事,至为繁冗,是皆钱粮刑名所关,若丛集一时,不加详阅,恐有遗误。前此奏章,俱三日一送,自今两日一送,又便从容详览。"

是年,圣祖幸金山,乘沙船渡扬子江,风浪恬静,舟行甚速。谕待臣曰:"自兵兴以来。恢复岳州,长沙、多得舟楫之力。今海宇承平,昔时战舰,仅供巡幸渡江之用。然安当思危,治不忘乱,朕乘此舟,未尝不念艰难用武之时,非以游观为乐也。"

是年,圣祖谕讲官等曰:"朕于政事,无论大小,从未有草率完结者。 每在宫中默坐,即以天下事经营筹划于胸中。简任督抚之时,又必详加察访, 盖一方大吏贤能,自能表率僚属。今贪墨之风,未必尽除,然激劝澄清,正 欲使之潜移默化也。"

康熙二十八年。大学士、九卿等奏:"近闻山东、河南大雨霑足,直隶大名诸府皆有雨,京城昨晚亦已得雨。皇上于宫中日日虔祷,朝夕儆惕,茹素修省,忧劳过甚,请稍舒睿怀,以颐养圣躬。"圣祖曰:"朕可与他人比耶?先人而忧,后人而乐,理固宜然。近因久旱无雨,忧劳过甚,以致癯弱。人或可欺,天亦可欺耶?日前祈雨,朕虽未躬往,而每次祈祷,朕皆竭诚斋戒。荷天之眷,得降雨泽,此后雨泽霑足,朕庶解焦劳也。"

康熙二十九年。圣祖谕大学士、九卿,詹士、科道曰:"尔等诸臣称雨泽霑足,固当欢悦,但去年大旱,民困未苏。昔汉文帝为三代以下令主,贾谊犹以处厝火积薪之上而谓无危为喻,以今较之,可无虑乎?且今虽得雨,不知夏秋若何,其当远虑深思,愈加轸恤,何得称庆?"

康熙二十九年。圣祖谕大学士、部院大臣等曰:"今朕躬已愈,但因灼艾,未御乾清门耳。朕听政三十年来,无日不见诸大臣,共相谘议。今处宫中,虽日理奏章,未尝废事,而与诸大臣悬隔,思之如有所失,且旗下引见题补诸事,恐致壅滞,向有大臣奏事乾清宫之例,自明日始,仍如常进乾清宫启奏。"

康熙三十年。工部等衙门议复古北口总兵官蔡元疏言,古北口一带边墙倾塌甚多,请行修筑,应如所请。圣祖谕大学士等曰:"蔡之所奏,未谙事宜。帝王治天下,自有本原,不专恃险阻。奏筑长城以来,汉唐宋亦常修理,其时岂无边患?明末我太祖统大兵,长驱直入,诸路瓦解,皆莫敢当。可见守国之道,惟在修德安民。民心悦服,则邦本得而边境自固,所谓众志成城者是也。如古北喜峰口一带,朕皆巡阅,概多损坏,今欲修之,兴工劳役,岂能无害百姓?且长城延袤数千里,养兵几何,方能分守?蔡元见未及此,其言甚属无益,谕九卿知之。"

先是,康熙四十六年,圣祖谕大学士温达等曰:"顷因刑部汇奏事内有一字错误,朕以硃笔改正发出。内外各衙门奏章,朕皆一一全览。外人谓朕未必通览,故朕一应本章,见有错字,必行改正。其繙译不堪者,亦改削之。当用兵时,一日有三四百本章,朕悉亲览无遗;今一日中仅四五十本章而已,览之何难?一切事务,不可少有怠慢之心也。至五十谕大学士等曰:"朕理机务年久,阅本甚速,凡一应奏折及绿头牌,顷刻即能详阅。前尚书穆和伦数次奏事,意朕未加详阅,复行奏请,朕将事内缘由指明,穆和本乃默然无言而退。且朕阅事,不止于速,凡一经目,断不遗忘。一应奏章及汇题案件,无不详阅,有差误字句,朕必硃笔更改发出。"

康熙五十六年。圣祖谕大学士等曰:"自古人主多厌闻盗贼水旱之事,殊不知凡事由微至钜,豫知而备之,则易于措办。所以朕于各省大小事务,惟欲速闻知也。即如各省来京之人,从福来者,朕以浙江米价询之;自江南来者,朕以山东米价询之。伊系经过之地,必据陈奏,即彼省大吏,知不可隐,亦皆能实奏。米价既已悉知,则年岁丰歉,亦可知矣。"

是年,又谕大学士等曰:"为君之道,要在安静,不必矜奇之异。亦不可徒为夸大之言。程之曰:"人不学不为圣人,皆自弃也。此语亦属太过,尧舜之后岂复有尧舜乎?昔人有言,孟子不足学,须学颜子。此皆务大言不务实践者。朕自幼喜读性理书,千言万语,不外一敬字。人君治天下,但能居敬,终身行之足矣。尝论敬行简曰,观民气之静躁,而政之得失可知也;观政事之繁简,而治之隆替可知也。上古之世,淳淳闷闷,执契而自平,结绳自治,猗欤盛矣。自禅继相承,创守代见,张弛因革,道非一端,约而举之。其正简者治隆,其政繁者其治替,此古今不易之理,虽百世而可知也。虽然,此特就其所行者言之耳。若夫宰治之原,则有至要者存焉,使操之无本。而以一简为主,则任法之弊,必尚于综核。省事之渐,必流于丛脞。秦之衡石程书,晋之清言招祸,其所失均也,必也主之以至一,本之以无私,正心以穷理,而是非不得淆其中。虚己以知人,而邪正不得淆其外。夫然后见之措施,清静画一,无为而治,事有不期简而自简者,故曰君子之学大居敬。"

是年,圣祖御乾清宫东暖阁,召诸王子及满汉大学士、学士、九卿、詹事、科道等人,谕曰:"朕少时天禀甚壮,从未知有疾病。今春始患头晕,渐觉消瘦。至秋月塞外行围,蒙古地方水士甚佳,精神日健,颜貌加丰,每日骑射,亦不觉疲倦。回京之后,因皇太后违和,心神忧瘁,头晕频发,有朕平日所欲言者,今特召尔等面谕,从来帝王之治天下,未尝不以敬天法祖为首务。敬天法祖之实,在柔远能迩,休养苍生,公四海之利为利,一天下之心为心,体群臣,子庶民,保邦于未危,致治于未乱,夙夜孜孜,寤寐不遑,宽严相济,经权互用,以图国家久远之计而已。自古得天下之正,莫如

我朝太祖太宗,初无取天下之心。当兵及京城,诸大臣咸奏云当取,太宗皇 帝曰:'明与我国素非和好,今取之甚易,但念中国之主,不忍取也。'后 流贼李自成攻破京城,崇祯自缢,臣民相率来迎,乃翦灭闯寇,入承大统。 昔项羽起兵攻秦,后天下卒归汉,其初汉高祖一泗亭上长耳!元末陈友谅等 并起后,天下卒归于明,其初明太祖一皇觉寺僧耳!我朝承绪先烈,应天顺 人,抚有区字,以此见乱臣贼子,无非为真主驱除也。朕年将七旬,在位五 十余年者,实赖天地宗社之默佑,非予凉德之所致也。朕自幼读书,古今道 理,粗能通晓,凡帝王自有天命,应享寿考者,不能使之不享寿考;应享太 平者,不能使之不享太平。自黄帝甲子至今四千三百五十余年,称帝者三百 有余。但秦史以前,三代之事,不可全信。始皇元年至今一千九百六十余年, 称帝而有年号者,二百一十有一。朕何人斯,自秦汉以下,在位久者,朕为 至首。古人以不矜不伐,知足知止者,为能保始终。览三代而后,帝王践祚 久者,不能贻令闻于后世。寿命不长者,罔知四海之疾苦。朕已老矣,在位 久矣,未卜后人之议论如何,而且以目前之事,不得不痛哭流涕,豫先随笔 自记,而犹恐天下不知吾之苦衷也。自古帝王多以死为忌讳,每观其遗诏, 殊非帝王语气,并非中心之所欲言,此皆昏瞀之际,觅文臣任意撰拟者。朕 则不然,今豫使尔等知朕之血诚耳,当日临御至二十年,不敢逆料至三十年, 三十年不敢逆料至四十年。今已五十七年矣,《尚书·洪范》所载: '一曰 寿;二曰富;三曰康宁;四曰攸好德;五曰考终命。'五福以考终命列于第 五者,诚以其难得数也。今朕将七十,子孙曾孙百五十余人,天下粗安,四 海承平,虽不能移风易俗,家给人足,但孜孜汲汲,小心敬慎,夙夜不遑, 未尝少懈,数十年殚心竭力,有如一日,此岂仅劳苦二字所能赅括耶?前代 帝王或享年不永, 史论概以为侈, 然自耽于酒色所致, 此皆书生好为讥评, 虽纯全尽美之君,亦必抉摘瑕疵,朕为前代帝王剖白,盖由天下事繁,不胜 劳惫之所致也。诸葛亮云:'鞠躬尽瘁,死而后已。'为人臣者仅诸葛亮一 人耳!若帝王仔肩甚重,无可旁诿,岂臣下所可比拟!臣下可仕则仕,可止 则止,年老致此而归,抱子弄孙,犹得优游自适。为君者勤劬一生,了无休 息,如舜虽称无为而治,然身殁于苍梧,禹乘四载,联于胝足,终于会稽, 似此皆勤劳政事。巡行周历,不遑宁处,岂可谓之崇尚无为清静自持平?《易》 遯卦六爻,未尝言及人主之事,可见人主原无宴息之地,可以退藏,鞠躬尽 瘁,诚谓此也。诸人每云,帝王当举大纲,不必兼综细务,朕心窃谓不然, 一事不谨,即贻四海之忧;一时不谨,即贻千百世之患。不矜细行,终累大 德,故朕每事必加详慎。即如今日留一二事未理,明日即多一二事矣。若明 日再务安闲,则后日愈多壅积。万机至重,诚难稽延。故朕莅政,无论钜细, 即奏章内有一字之讹,必为改定发出。盖事不敢忽,天性然也。五十余年, 每多先事绸缪,四海兆人,亦皆戴朕德意,岂可执不兼综细务之言乎?朕自 幼强健,筋力颇佳,能挽十五力弓,发十三握箭,用兵临戎之事,皆所伏为。 然平生未尝妄杀一人,平定三藩,扫清漠北,皆出一心运筹,户部帑金,非 用师赈饥,未敢妄费,谓此皆小民脂膏故也。所有巡狩行宫,不施采缋,每 处年费不过一二万金,较之河工岁费三百余万,尚不及百分之一。幼龄读书, 即知酒色之宜戒,小人之宜防,所以至老无恙。自康熙四十七年大病之后, 过伤心神,渐不及往时,况日有万机,皆由裁夺,每觉精神曰逐于外,心血 时耗于内,恐前途傥有一时不讳,不能一言,则吾之衷曲未吐,岂不可惜! 故豫于明爽之际,一一言之,可以尽一生之事,岂不快哉!人之有生必有死, 如朱子之言天地循环之理,如昼如夜。孔子云: '居易以俟命',皆圣贤之 大道,何足惧乎?近日多病,心神恍惚,身体虚惫,动转非人扶掖,步履难 行。当年立心以天下为己任,许死而后已之志,今朕抱病,怔忡健忘,故深 惧颠倒是非,万机错乱,心为天下尽其血,神为四海散其形,既神不守舍, 心失怡养,目不辩远近,耳不分是非,食少事多,岂能久存?况承平日久, 人心懈怠。福尽祸死,泰去否来,元首丛脞,而股肱堕,至于万事隋坏,而 后天灾人害,杂然并至,虽心有余而精神不逮,悔过无及,振作不起,呻吟 床榻,死不冥目,岂不痛恨未死!昔梁武帝亦创业英雄,后至髦年,为侯景 所偪,遂有台城之祸。隋文帝亦开创之主,不能豫知其子炀帝之恶,卒致不 克令终。又如丹毒自杀,服食吞饼,宋祖之遥见烛影之类,种种所载疑案, 岂非前辙?皆由辩之不早,而且无益于国计民生。汉高祖传遗命于吕后,唐 太宗定储位于长孙无忌。朕每览此,深为耻之。或有小人希图仓卒之际,废 立可以自专,推戴一人以期后福,朕一息尚存,岂肯容此辈乎?朕之生也并 无灵异:及其长也,亦无非常。八龄践祚,迄今五十七年,从不许人言祯符 瑞应,如史册所载景星庆云麟凤芝草之贺,及焚珠玉及殿前、天书降承天, 此皆虚文,朕所不取。惟日用平常,以实心行实政而已。今臣邻奏请之储分 理,此乃虑朕用猝然之变耳,死生常理,朕所不讳,惟是天下大权,当统于 -。十年以来,朕将所行之事,所存之心,俱书写封固,仍未告竣。立储大 事,朕岂忘耶?天下神器至重倘得释此负荷,优游安适,无一事撄心,便可 望加增年岁。诸臣受朕深恩,何道俾朕得此息肩之日也。朕今血气耗减,勉 强支持,脱有误万机,则从前五十七年之忧勤,岂不可惜?朕之苦衷血诚, 一至干此。每览老臣奏疏乞休,未尝不为流涕。尔等有退休之时,朕何地可 休息耶?但得数旬之颐养,但全考终之至生,朕之欣喜,岂可言罄?此岁月 悠久,或得如宋高宗之年未可知也。朕年五十七岁,方有白须数茎,有以乌 发药进者, 朕笑却之曰: 古来白须皇帝有几? 朕若须鬓皓然, 岂不万世之美 谈乎!初年同朕共事者,今并无一人。后进新升者,同寅协恭,奉公守法, 皓首满朝,可谓久矣,亦知足矣。朕享天下之尊,四海之富,物无不有,事 无不经。至于垂老之际,不能宽怀瞬息,故视弃天下犹敝履,视富贵如泥沙 也。傥得终于无事,朕愿已足。愿尔等大小臣邻。念朕五十余年太平天子, 憷憷丁宁反复之苦衷,则吾之有生考终之事毕矣。此谕已备十年,若有遣诒, 无非此言,披肝露胆,罄尽五内,朕言不再。

康熙六十年。圣祖谕近御侍卫等曰:"尔等日侍朕侧,于朕心忧劳之处,差知大概,若百官万民,何从而知?朕日理万机,其他姑置勿论,即每年春时,为雨水田禾,时刻不忘,留心究问,直至秋成,始稍释念。至于冬日,内地常恐雪少,口外地方,又恐雪大,此等苦心,惟身历方能知之。即尔等日侍左右者,也未必悉知也。"

圣祖躬尧舜之资,行汤文之政,所以立万年长治之基者,曰行王道。御制王道论曰:治天下必审择所以为治之道,然后运之有本,而措之也不劳。盖得其道,则一时无赫赫之功,而久大之业,可以永建而不可拔。不得其道,则殚尽敝形,而终无以及于治。故治理之方,不可不审也,其要在仁义而已矣。昔三代之盛也,蠲烦去苛,屏饰斥伪,先躬行而后文告,崇礼让而缓刑罚,优游渐渍,不期效于旦夕,迨积之既久,风俗日茂,人心日淳,大化敦庞,号为上理,此行仁义之所至也。秦汉而下,务为一切苟且之政,以检束其民,民生其时,亦皆匿情饰貌以应上其上,上下相蒙,竞趋媮薄,治功之

降,远不古若,此则不行仁义之故也。故曰:仁以育之;义以正之。仁以育之,所以养也;义以正之,所以教也。孔子曰'如有王者,必世而后仁'。又曰:'圣人久于其道,而天下化成。'盖言王道之成,仁义之效也。是以圣王在上,制田里,广树畜,省刑而薄敛,崇本而抑末,使天下之民,家给人足,有俯仰之乐,而无阽危之患。由是立庠序之制,置慈惠之师,修六礼以节其性,播六乐以淑其情,明七教以兴其德,齐八政以禁其非。当是之时,六合之远,一家之积也;四海之广,一身之推也;天下之久安而长治,犹泰山而四维之也。其去夫唐虞之治,不亦远平?呜乎!天也重器也,有天下大业也。彼挈瓶之智,犹必厝之于至安,况夫居重器而履大业者哉!盖亦知所择也。

圣祖孜孜求治,日昃不遑,机务之余,犹有日课,其宫中日课记曰:尝读商《颂》之 成汤也,曰圣敬日跻。周《诗》之 文武也,曰:缉熙,曰执兢;其 成王也,曰夙夜基命宥密。而史亦称大禹惜寸阴,色而起,则命讲官捧书而入,讨论义理,是典学者为一时。出御宫门,则群工循序奏事。朕亲加咨度,是听政者为一时。已而阁臣升阶,朕与详求治理,咨诹军国者久之。若夫宫禁之务,各有攸司。廷臣退,乃裁决焉。既事竟,罢朝。宫中图藉盈几案,朕性好读书,丹黄评阅,辄径寸,辩报别古今治乱得失。暇或赋诗,或作古文,或临池濡翰,以写其自得之趣。止此数事,已不觉其日之夕矣。及宫中燃烛,玉漏初下,则省一日所进章疏,必审其理道之安而后已。要非夜分,不就宴息也。旭是者岁率以为常。夫禹、汤、文、武、成王之德,自揣乌能企及,而不敢懈逸之心。或者其庶几焉,因为记自勖以比于盤铭之义云。

圣祖综理万机,在位数十年,恒如一日,尝作《无逸》,以致寿论曰: 三代盛时,民风沕穆,政令淳简,天下诸候,分治其国。为之君者,可以优 游坐治矣。乃圣君处此,必兢兢业业,宵旰不遑。以自劳其神力,然卒获享 遐福,而成令名,秦汉而降,废封建而为郡县,凡事之有关于宫府者,无不 奏请于天子,其机务之众,千百倍于三代。宜为之君者,日给且不暇。乃或 自图便安,至信神仙为可学、辄为方士所误,曾不之返者,何哉?朕尝观于 商、周、汉、唐诸往事,而得其故矣,人君之所无逸者,莫如商之中宗与高 宗。及周之文王,中宗则严恭寅畏,天命自度;高宗则作其即位,不敢荒宁; 文王则怀保小民,惠鲜鳏寡。而考其享国之年,此三君者,最为悠久。迄今 《无逸》一篇,班班可观也。人君之好逸乐者,莫如秦之始皇,汉之武帝, 唐之宪宗。始皇既并天下,方士争言不死之药,于是遣使访三山,神仙之药 卒不可得。武帝敬鬼神之事,祠太乙,建飞廉馆,作柏梁台,以招天神之属。 游心芒思者数年,究天左验,乃自叹愚惑。宪宗招求方士,用柳泌为刺史, 求仙药,以服之日益燥渴。夫中宗、高宗、文王之敬修其德而享福者若此, 始皇、武帝、宪宗云博养其生而寡效者若彼,然则帝王致寿道,从可识矣。 宋儒吕祖谦曰:敬之方,寿之理也。盖无逸则主敬,主敬则无欲,无欲者仁 也。孔子曰:仁者寿,又仁则有德。孔子曰:大德必得其寿,舜年百有十岁 是也。则寿之理,亦视其德之盛衰为何如耳!朕愿后世之为君者,无惑于神 仙之说,而第求之无逸之旨,则身与天下皆蒙其福矣。

圣祖阅史至司马光上宋仁宗札子曰:司马光立朝行己,正大和平,无几微之可议,不只冠有宋诸臣,求之历代,亦不可多得。其论君德有三,曰仁、明、武。治道有三:曰任官;信赏必罚;要言至理。可书丹晟座右,万世不

易也。

圣祖阅史至宋高宗作损《齐论》曰:宋高宗以损《齐论》,自是清心寡欲之意。第当其时,正宜奋励有为,非仅淡泊;为谦,可以恢复大业,即此一端观之,知其优游苟且,而无振作之志矣。

圣祖讲筵绪论曰:尝观明仁宗宣宗时,用法皆术宽平。每思人君承天子 民,时育万物,自当以宽厚为本,始可成敦裕之治,但不可过于纵驰,所贵 乎宽而制耳。

论曰:人君以天下之耳目为耳目,以天下之心思为心思,何患见之不广? 观舜以好问好察而称大智,则知自用则小者,正与之相反矣。

论曰:临民以主敬为本。昔人有言,一念不敬,或贻四海之忧;一日不敬,或以致千百年之患。《礼记》首言毋不敬。《五子之歌》,始终皆言谨慎。大抵诚与敬,千圣相传之学,不越乎此。

论曰:古人有言,反经合道谓之权:先儒已有论其非者,天下止有一经常不易之理,权衡轻重,随时斟酌,而不失乎经常之理,此即所谓权也,岂有反经而可以行权者平?

论曰:古人纪一事,当观其要旨所在。如郭隗市骏之语,见求士不可以 不诚。甘茂投杼之言,见任人不可以不信。此要领处,尤不可不知也。

论曰:今人沿于明季陋习,积渐日深,清操洁已。难言之矣。职守亦多至旷怠,罕能恪勤。朝廷良法美意,往往施行未久,即为丛弊之也。常欲化道转移,每患积习之难去也。

圣祖庭训曰:人惟一心起为念虑,念虑之正与不正,只在顷刻之间,若一念之不正,顷刻而知之。即从而正之,自不至离道之远。《书》曰:惟圣罔念作狂,惟狂克念作圣。一念之微,静以存之,动则察之,必使俯仰无愧,方是实在工夫。是故古人治心,防于念之初生。情之未起,所以用力甚微,而收功甚巨也。

训曰:世人皆好逸而恶劳,朕心则谓人恒劳而知逸,若安于逸,则不惟不知逸,而遇劳即不能甚矣。故《易》有云:天行健,君子以自强不息。由是观之,圣人以劳为福,以逸为祸也。

训曰:凡人有训人治人之职者,必身先之可也。《大学》有云:君子有诸己而后求诸人,诸已而后非诸人。特为身先而言也。

训曰,孔子云,"民可使由之,不可使知之。"诚为政之至要。朕居位六十余年,何政未行?看来凡有益于人之事,我知之确,即当行之。在彼小人,惟知目前侥幸,而不念日后久远之计也。凡圣人一言一语,皆至道存言。

训曰:天下事固有一定之理。然有一等事,如此似乎可行,又有不可行之处。有一等事,如此似乎不可行,又有可行之处。若此等事,在以义理揆之,决不可豫定一必如此必不如此之心。是故孔子云:君子之于天下也,无适也,无莫也,义之与此。

训曰:天下事物之来不同,而人之识见亦异。有事理当前,是非如睹, 出平日学所至,不待拟议而后得之,此素定一识也。有事变攸来,一时未能 骤为,必待深思而后得之,此徐出之识也。有虽深思不能得,合众人之心思, 其间必有一当者,择其是而用之,此取资之识也。此三者,虽圣人亦然。故 周公有断日之思。而尧舜亦曰:畴咨稽众,惟能竭其心思,能取于众,所以 为圣人耳。

训曰:凡理大小事务,皆当一体留心。古人所谓防微杜渐者,以事虽小

而不防之,则必渐大,渐而不杜,必至于不可杜也。

训曰:孟子云:或劳心,或劳力;劳心者治人,劳力者治于人。朕即位 多年,虽一时一刻,此心不放,为人君者,但能为天下民生忧心,则天自佑 之。

训曰:国家赏罚治理之柄,自上操之,是故转移人心,维持风仕。善者知劝,恶者知惩。所以代天宣教,时亮天工也。故爵曰天职,刑曰天罚。明乎赏罚之事,皆奉天而行,非操柄者所得私也。《韩非子》曰:赏有功罚有罪,而不失其当,乃能生功止过也。《书》曰:天命有德,五服五章哉!天讨有罪,五刑五用哉!政事懋哉懋哉!盖言爵赏刑罚,乃人君之政事,当公慎而不可忽者也。

训曰:曩者三逆未叛之先,朕与议政诸王大臣议迁藩之事,内中有言当迁者,有言不可迁者。然在当日之势,迁之亦叛,即不迁亦叛,遂定迁藩之议。三逆既叛,大学士索额图奏曰,前议三藩当迁者,皆宜正国法。朕曰,不可。廷议之时,言三藩当迁者,朕实主之。今事至此,岂可归过于他人?时在廷诸臣,一闻朕旨,莫不感激涕零,心悦诚服。朕从来诸事不肯委罪于人,矧军国大事,而肯卸过于诸大臣乎?

【大意】

康熙六年他上朝执政,即告天下,有如现在的就职演讲,表明自己的态度。他说:"天下至大,政务至繁,非朕躬所能独理。宣力分猷,仍惟辅政臣诸王贝勒内外文武大小各官是赖。务各殚忠尽职,洁己爱民,任怨任劳,不得辞避。天下利弊,必以上闻,朝庭德意,期于下究。庶政举民安,早臻平治"。

同一年,康熙又对吏部等衙门下谕:民为邦本,必使家给人足,安生乐业,方可称太平之治。近闻直隶各省,民多失所,疾苦颠连,深可悯念。这是因酷吏盘剥呢,还是制度致使百姓失业呢?用什么办法使百姓生活好起来呢?你们各抒己见,不要隐瞒。

宏文院侍读熊赐履回奏了康熙。大意如下:

盖小民征终岁勤劳,仅给俯仰之资。而复税秋粮朝催暮督,私派信于官征,杂项浮于正额,设一旦水旱频仍,饥馑见告。

赈济则官增其肥而民重其瘠。说是贪官之作祟,而且由下而上,都有罪责,故应选清廉之官委以重任。接着他又提出四点建议:第一是政事纷更,而法制未定。因此要将国家法度,详慎会议,凡沿革损益,参以古制,酌以时宜,勒成会典,颁示天下,则上有遵奉,下有法守,无疆之业永垂在此一举;第二是职业日废,而士气日靡。针对这种现状,应重振朝风,作养士气,申饬满汉诸臣,虚衰酌理,实意任事,是则曰是,非则曰非。则职业修养,官箴整肃矣;第三是学校废弛,而文教日衰。他首先阐明兴学的重要性,说:学校为贤才之薮,教化之基,而学术事功之根基也。所以应该隆重师儒,兴起学校,那么就会道术以正,学术以明,教化大行,人材日盛,这对国家帮助难道很小吗?第四是风俗渐侈,而礼制日废。他首先分析了侈糜的现状,即一裘而费中人之产,一宴而糜终岁之需……此饥之本寒之源,而盗贼狱讼所由起也。因此请求皇上躬行节俭,为天下先,以王公及士庶,凡官室车马衣服仆从一切器用之属,俱定经制,限以成数,颁示天下,务必遵守,不许稍有逾越。那么久之则俭德日彰,贪风日息,民俗醇而人心厚,天下太平就会成为现实。

康熙十一年,他对讲官们说:从来与民休息,道在不挠,与其多一事不如省一事。朕观前代君臣,每好大喜功,劳民伤财,紊乱旧章,虚耗元气,上下讧嚣,民生日蹙,深可为鉴。

康熙十二年,康熙在弘德殿的语录:

朕观人必先心术,次才学,心术不善,纵有才学何用?

知人难,用人不易,至治之道,全关于上,朕即欲不尽心不可得也。

康熙十六年,在听讲《孟子·一暴十寒》时说:君子进则小人退,小人进则君子侧。君子小人,势不并立。孟子所谓一暴十寒,于进君子退小人,亲贤远佞之道,最为明快,人君诚不可不知也。

康熙二十三年,圣祖谕讲官等曰:朕于政事,无论大小,从未有草率完结者,每在宫中默省,即以天下事经营筹划于胸中。

康熙二十八年,因旱,圣祖数日祈雨。雨至,诸臣请求圣祖休息。圣祖 说:朕可与他人比耶?先人而忧,后人而乐,理固宜然。

康熙三十年,工部议准修复长城之奏,康熙反对,说:帝王治天下,自有本源,不专恃险阻。修筑长城以来,汉唐宋也经常修理,那时就没边患吗?明末我太祖统大兵,长驱直入,诸路瓦解,皆莫敢当。可见,守国之道,惟在修德安民,民心悦服,则邦本得而边境自固,所谓众志成城者是也。如古北喜峰口一带,朕皆巡阅,概多损坏,今欲修之,兴工劳役,岂能无害百姓?且长城延袤数千里,养兵几何,方能分守?

康熙批阅奏章,每日少时数十本,多时数百本。他说:朕阅事,不止于速,凡一经目,断不遗忘。一应奏章及汇题案件,无不详阅,有差误字句, 朕必朱笔更改发出。

康熙爱护百姓可谓细致入微,他每见来京官员,必问当地米价,因为知道了米价,就可推算出各地的收成如何。

是年,圣祖又谕大学士等曰:为君之道,要在安静,不必矜奇之异,亦 不可徒为夸大之言。

有人说,帝王当举大纲,不必兼综细务,朕谓不然。一事不谨,即贻四海之忧;一时不谨,即贻千百之患。不矜细行,终累大德,故朕每事必加详慎。

朕年五十七岁,方有白须数茎,有以乌发药进者,朕笑却之曰:古来白须皇帝有几?朕若须鬓皓然,岂不万世之美谈乎!

圣祖躬尧舜之资,行汤文之政,所以历万年长治之基者,曰行王道。御制王道论曰:治天下必审择所以为治之道,然后运之有本,而措之也不劳。盖得其道,则一时无赫赫之功,而久大之业,可以永建而不可拔。不得其道,则殚精敝形,而终无大治。故治理之方,不可不审也,其要在仁义而已矣。

康熙曾作《无逸》一文,专论寿命。文章历数秦始皇、汉武帝、唐宪宗,都是好逸乐者。他们或求不死之药,或出海寻仙,或敬鬼神,但最终仍是白费力气。他认为,无逸则主敬,主敬则无欲,无欲者仁也。孔子曰:仁者寿,又仁则有德。朕愿后世之为君者,无惑于神仙之说,而求无逸之旨,则身与

天下皆蒙其福矣。

圣祖评司马光时说:司马光立朝行己,正大和平,求之历代,不可多得。 其论君德有三,曰仁、明、武;治道有三,曰任官、信赏必罚、要言至理。

人君以天下耳目为耳目,以天下之心思为心思,何患见之不广?

临民以主敬为本。昔人有言,一念不敬,或贻四海之忧;一日不敬,或以致千百年之患。

圣祖庭训曰:人惟一心起为念虑,念虑之正与不正,只有顷刻之间,若一念之不正,顷刻而知之。即从而正之,自不至离道之远。

训曰:凡人有训人治人之职者,必身先之可也。

训曰:天下事物之来不同,而人之识见亦异。有事理当前,是非如睹, 出平日所学至,不待拟议而后得之,此素定之识也。有事变攸来,一时未能 骤为,必待深思而后得之,此徐出之识也。有虽深思不能得,合众人之心思, 其间必有一当者,择其是而用之,此取资之识也。此三者,虽圣人亦然。能 取众人,所以为圣人耳。

明乎赏罚之事,皆奉天而行,非操柄者所得私也。《韩非子》曰:赏有功,罚有罪,而不失其当,乃能生功止过也。

我朝起自东陲,尊尚朴质,历传以来,继序不忘。用能宫府服御,无侈饰、无冗费,昭俭德以示子孙。顺治八年,以督催织造官役,骚扰驿迁,罢之。停陕西织造羢羯粧蟒。却江西造进龙盌,十一年以江浙连年水旱,停织造二年。

圣祖常论本朝自入关以来,外廷军国之费,与明代略相仿佛,至宫中服用,则以各宫计之,尚不及当时妃嫔一宫之数。三十六年之间,尚不及当时一年所用之数。康熙二十九年,上以前明宫殿楼亭门名,并慈宁宫、宁寿宫、乾清宫及老媪目,宣示外廷,谕天旱欲减宫人。及所用器物,因自来未尝有余,故不能再减。饬群臣将故明宫中用度察阅。寻廷臣奏查故明宫内,每年用金花银九十六万余两,今悉充饷,光禄寺送内用二十四万两,今止三万两,每年木柴二千六百余万斤,今止七八百万斤。红螺灰一千二百余万斤,今百余万斤。各宫床帐舆轿花毯之属二万余两,俱不用。故明宫殿楼亭门名七百八十六座,今不及十分之三。至各宫殿其祉墙垣,砖用临清,木用楠木。今禁中修造出于断不得己,第用常瓦松木而已,我皇上樽节俭约,至矣极矣。是光禄寺年用银十万两,工部二三十万两,较前朝省十之九,而上犹以工部每月辄用数万两。谕以内廷除赏赐外,一应工作费用,月不及千两。

四十九年,又谕曰:万历以后,内临有在御前服役者,故明季事迹,知之独详。明朝费用甚奢,工作亦广,宫中脂粉钱四十万两,供应数百万两,世祖登极,始悉除之。紫禁城内铺地瓦,横竖七层,工作俱派民间。今器用仆素,工作皆见钱雇觅。明季宫人九千人,内监十万人,饿食不能遍及,日有饿死者,今宫中不过四五百人而己。先是,光禄寺岁用六七十万,工部百余万,世祖末年,光禄寺年用四五万,工部十五万余,是以部库有五千余万之积。

圣祖尝曰:当以一人治天下,不以天下奉一人。以此为训,不敢过也, 自是恭俭相承,累代传为家法矣。

康熙八年,圣祖谕工部曰:前奉太皇后谕,谓乾清宫交泰殿栋梁朽坏, 宜撤旧重建,以为朕宫,慈命谆复,朕不敢违。但陶唐茅茨不剪,夏禹宫殿 是卑。其毋事华丽,止令朴质坚固,以称太皇太后倦倦至意。

康熙十六年,给事中徐旭龄奏请力行节俭疏曰:近以亢旱修省,仰见我皇上敬天勤民至矣。日前雨泽虽降,而旱魃既久,难免灾荒,臣思古之圣君贤相,一食而知天下之饥,一衣而思天下之寒。故能上下一德,而天休协应。皇上轸念民艰,躬崇简朴,而大小臣工、未能仰体,尚竞为奢华,横取罔用,全不思西北亢旱,东南水灾。天下百姓,方有饥寒穷苦之患,臣愚以今日戒饬诸臣共图安治者,无如节俭。夫八旗者,国家之根本也,披甲究丁,衣食不给。而大家臣族,婚娶则多用锦骕金珠,死丧则烧毁珍宝车马,嫁一女可破中人数十家之产,送一死可罄生人数十年之用,暴殄天物,莫可计算。至若汉宫谒选,则揭债京师,莅任有馈遗督抚。鲜衣骏马,毕侈相高,舞女歌儿,奢淫相尚。未到地方,先筹利薮,以充官用,固成必贪之势。试观今日之池馆园亭,歌舞宴会,视顺治初年,不止数倍。此等财务,何从得来。非舞弄国法而多纳赃私,即酷虐小民,而巧通贿赂。一家之锦衣玉食,一路之卖男鬻女也。虽征贪罪在不赦,而彼通于费用,走死地如鹜矣。近者会议官员服饰,奉有禁止太过之旨。在皇上宽于用法,无非使人易遵之意,实则奢

侈已论于骨髓。僭越反视为故常。若非严立法程,谁肯改弦易辙。伏祈敕下 诸王大臣再加酌议。凡官员有房舍中中踰制,严以没入之条,报饰僭拟者, 处以降革之例。一切婚葬,皆严限等级,不许过度。如此则官省一分之费用, 民即省一分之诛求,朝廷即存一分之法度矣。如各处镇定王公将军,朝廷之 心膂也,建牙树纛,岁费饷银不下千有余万。往者酌行节省,或议兵屯,或 议裁汰,究竟兵难多裁,屯难聚举,协饷稍迟,即扰兵匮。惟有各藩镇力行 俭约,俾营伍充实,兵力有余,始克建威。乃王公将军,势处崇高,糜费难 省,而子弟亲属,尚竞豪华。或广集优伶,或多置台榭,用尤不赀。论催饷 或似甚穷,而视糜费,又似甚富。臣思各藩镇额设俸禄有限,近又不许与民 争利,禁止贸易,财用益无所出。若再多侈费,则将军之甲第珍奇,皆士卒 之刍粮膏血也。藩镇为动旧老成,当以封疆为休戚,其以财而徒纵子弟之淫 乐,何如以财而厚资士马之饱腾。伏祈敕下各省王公将军,凡车服宅舍,各 遵规制,一切优妓亭台,采各省置造别地者,严行查禁。不惟克己厚军,可 与士卒同甘苦,抑且养廉率属,可为国家杜浮冒矣。今天下大患,实由于文 臣剥民以奉己,武臣剋兵以肥家。故莫如严立制防,尽归朴俭。图治之源, 无切于此。抑臣有请焉,古之圣王卑宫室,恶衣服,身示撙节,感功臣民也。 况今水旱荐臻,臣愿皇上益修恭俭,为天下先。减田猎之费,酌土木之工。 江浙三织造,量行归并,期于省事省官。内库各项本色,量行改折,归于缓 征缓解。一切度支,力追祖宗淳朴之风,俾天下晓然。知皇上节爱至意,大 小臣工,痛加改悔,以奢侈不烦刑制法禁,而回心问道。将见治并唐虞,而 嘉祥可立致也。

康熙二十四年,圣祖谕大学士等曰:"服色久经定例禁止,近见习俗奢靡,服用僭滥,皆由所司各官,视为具文,并未实心稽察,以致不遵定例。嗣后必切实奉行,时加申饬,务期返朴还淳,恪循法制,以副朕敦本务实,崇尚节俭之意。

是年,圣祖又谕掌膳等官曰:天下之物力有限,当为天下惜之,今酥油 乳酒供给有余,尔等会同庆丰可酌量收取,足用则己,不可过多。蒙古甚穷 乏,取者减少,则彼贫人日用,可以恒足矣。三十三年,户部题乌喇解送貂 鼠缺额,应将该管官议罪,圣祖曰:数年来因捕貂者众,故不足额,以此议 处,是无辜获罪。若不得佳者,朕但少御一裘,何关紧要。且貂价其贵,而 又非必用之物,朕亦不甚需之。

康熙三十九年,圣祖谕大学士等曰:给事中穆和伦条奏服用奢侈本章,尔等拟票申饬,朕意言官专任耳目之职,若图言而罪之,谁复敢言。但此本内容顺治以来至康熙十年,尚为俭朴,自后渐至奢僭等语,殊属错谬。朕知之甚悉。自辅臣摄政十年以前,凡器用服食等物,甚为奢侈,自朕听政以来,一应服食,俱从节俭,诸王大臣亦皆效法,不用金银器皿金镫等物,此时服用较从前十分之内,已减九分矣。然笔贴式护军庶人等服用,未必不少有奢侈,朕岁岁赏赉,更给官马,而生计尚未充裕,谓非奢侈之故乎。朕阅载籍,历代以来,皆由朴而渐至于奢,未有由奢而渐至于朴者,不可以不禁也。当此之时,惟以大开言路为要务,况设立科道,专为求言,所言当则行之,不当但将原本发还,如此则内外臣僚,亦俱知所儆戒矣。朕听政三十年,言官有为人而言者,有受贿陈奏者,有报私仇而颠倒是非者,此等条奏,朕无不知,至于丧祭时恐其僭用,朕屡经传谕族长,著不时查察,今日久渐弛,容或有之,亦当禁止,此本著不必申饬。

是年,工部奏杂项修理钱粮,圣祖曰:一月内杂项修理,即用银至三四万两,殊觉浮多,明代宫中一日万金有余。今朕交内务府总管,凡一应所用之银,一月只六七百两,并合一应赏赐之物,亦不过千金。从前光禄寺一年所用银两,亦甚浮多,朕节减大半。工部情弊甚多,自后凡有修理之处,将司官笔贴式俱奏请派出,每月支用钱粮,分析细数,造册具奏,若三数内有塌坏者,著赔修。如此则工程坚固,钱粮亦不至妄费也。

康熙四十二年,圣祖谕八旗都统前锋统领,护军统领副都统参领佐领等曰:朕为官民生计,不时熯念。前已屡施大泽,今年诏款内复特沛鸿恩,不惜数百万帑金,遍行赏赐,嗣后军卒人等,应人人务立生计,清偿逋欠,丰裕度日。尚有不肖之辈,不思撙节俭约,惟知纵酒酣饮,鲜衣肥马,过于费用,则不数日间,仍如未沛恩泽时。尔等俱有督率之责,不当徒以督率为名,亦当诱之向善,使人人以孝悌为本,各知自守,爱惜产业,则不特风俗可致淳朴,而朕惜兵之心,亦不致徒劳矣。可将此旨刊刻,编示军卒人等。受朕重恩如此,仍行赌博,行止不端,朕断不轻贷,必将为首者立正典型。朕念切兵民生计,是以亲书谕旨。钦哉。

康熙四十四年。圣祖南巡,驻跸扬州茱萸湾行宫。御制述怀诗序曰:朕每至南方,览景物雅趣,川泽秀丽者,靡不赏玩移时也。虽身居九五,东桂山水之情,与众何异,但不至旷日持久,有累居民耳。所以一日即过者,亦恐后日错借口实,而不知所以然也。至于茱萸湾行官,乃系盐商百姓感恩之诚而建起。虽不与地方官吏,但工介不下数千。尝览汉书,文帝惜露台百金,后世称之。况为三宿,此费十倍于此乎。故作述怀近体一首以自警,又粘之壁间以示维扬之众。

康熙四十九年,九卿等议覆佥都御史屠沂条陈节俭一疏。圣祖谕大学士等曰:禁止奢僭而崇尚节俭,极当于理。朕近查宫中人数,皇太后宫及朕所居正宫,不过数百人,较之明代宫人,则减省多矣。先是光禄寺供应宫中用度,每年七十万两有余,朕渐次节省,不使滥溢,一年止需七万两矣。理藩院向来每年赏赐供应外藩宾客,用银八十万两,今裁减浮费,一年止需八万两矣。户工两部,前此每年所用钱粮,其数过多,今十日一次奏闻,用过数目,所需钱粮,已极少矣。朕用钱粮节省如是。因臣民僭用妄费,从前屡有禁约,今若又行禁约,徒有法令滋繁而已,究无补于事也。盖法令非不详尽,皆由臣下奉行不善而然。步军统领顺天府府尹地方该管官员,果实心遵行,何至如此平。

圣祖崇尚勤俭;尝著勤俭论以自警,论曰:"尝观尧以执中之旨授舜,舜以执中之旨授禹,而孔子称禹日无闲然,舜以羡其勤邦俭家。盖以禹之奉已简薄,而于天地祖宗生民数大事,克备夫道以至其厚,有合于中之旨焉。夫崇宫室、丰饮食、美衣服,此皆人心也,其几易溺。敬天地、孝祖宗、拯生民、此道心也,其几易怠。溺则侈,侈则嗜欲日荒。怠则逸,逸则理道日远。发于一心,见于天下,而盛衰治乱之途叛矣。傅曰:私欲宏多,则德义鲜少。德义不行,则迩者骚离,远者距违。甚言奢之不可不戒也。至书载文王卑服,即康功田功,又言自朝至于日中昃,不遑暇食,用试和万民,伊尹之告太甲曰:慎乃俭德,惟怀永图。噫,俭与勤之道尽之矣。朕检身省心,常恐弗及。故万机日御,以自砥励。而宫中府中之用,刻意损抑,较之前代,每岁所需,十不及一。虽不敢以于大禹文王之为君,而兢兢勿侈勿逸之念,恒欲化雕返朴,祛肆崇敬,以务几道乎。忽人心危而道心微。苟侈泰之心,

中于几微,势必形于国家,其弊有不可遏者。则慎修思永,尤执中之要道也 欤。

圣祖庭训曰:朕此居殿,见铺氈片等物,殆及三四十年而未便换者有之, 朕生性廉洁,不欲奢于用度也。

训曰:民生本务在勤,勤则不匮。一夫不耕,或受之饥,一妇不织,或受之寒,是勤可以免饥寒也。至于人生衣食财禄,皆有定数,若俭约不贪,则可以养祖,亦可以致寿。若夫为官者俭,则可以养祖,亦可以致寿。若夫为官者俭,则可以养廉,居官居乡,只缘不俭。宅舍欲美,妻妾欲奉,仆隶欲多,交流欲广,不贪何从给之。与其寡廉,孰若寡欲。语云俭以成廉,侈以成贪,此乃理之必然者。

训曰:古人尝言三年耕必有一年之积,九年耕必有三年之积,此先事预防之至计,所当讲求于平日者。近见小民蓄积匮乏,一遇水旱,遂致难支。比皆丰稔之年粒米狼戾,不能储备之故也。国计若是家计亦然。故凡家有田畴足以赡给者,亦当量入为出,然后用度有难,丰俭得中,安分养福;子孙常守。

训曰:老子曰知足者富,又曰知足者不辱,知止不殆,可以长久,奈何世人衣不过被体,而衣千金之裘,犹以为不足。不知箪食瓢饭者,固自乐也。 朕念及于此,恒自知足。虽贵为天子,衣服不过适体;富有四海,而每日常膳,除赏赐外,所用肴馔,从不兼味。此非朕勉强为之,实由天性自然。汝等见朕如此俭德,其共勉之。

训曰:世之财物,天地所生以养人者有限,人若节用,自可有余,奢用则顷刻尽耳。何处得增益耶。朕为帝王,何等物不可用,然而朕之衣服,毫无过费。所以然者,特为天地所生有限之财而惜之也。

圣祖讲筵绪论曰:国家财赋出于民,民力有限,当思樽节爱养,则国家常见其有余,每见明季诸君,奢侈无度,宫中服食及创造寺观,动到数十万,我朝崇尚朴质,较之当时仅百之一二耳。

【大意】

我朝起自东陲,尊尚朴质,历传以来,继序不忘。用能官府服御,无侈 饰、无冗费,昭俭德以示子孙。

康熙曾说:当以一人治天下,不以天下奉一人。以此为训,不敢过也, 自是恭俭相承,累代传为家法矣。

康熙八年,圣祖谕工部曰:前奉太皇后谕,谓乾清宫交泰殿栋梁损坏, 宜撤旧重建。慈命谆受,朕不敢违,但勿事华丽,令质朴坚固,以称太皇太 后倦倦之意。

康熙十六年,给事中徐旭龄奏请力行节俭疏,其中说道:令天下大患, 实由于文臣剥民以奉己,武臣克兵以肥家。故莫如严立制防,尽归朴俭,图 治之源,无切于此。

康熙三十三年,户部题乌喇解送貂鼠缺额,应将该管官议罪。康熙却说:数年来,因捕貂者重,故不足额,以此议处,是无辜获罪。若不得佳者,朕但少御一裘,何关紧要。且貂价其贵,而又非必用之物,朕亦不甚需之。

朕阅载籍,历代以来,皆由朴而渐至于奢,未有由奢而渐之于朴者,不可以不禁也。

圣祖庭训曰:朕此居殿,见铺毡片等物,殆及三四十年而未便换者有之, 朕生性廉洁,不欲奢于用度也。 训曰:民生本务在勤,勤则不匮。一夫不耕,或受之饥;一妇不织,或受之寒。是勤可以免饥寒也。至于人生衣食财禄,皆有定数,若俭约不贪,则可以养祖,亦可以致寿。若夫为官者俭,则可以养廉,居官居乡,只缘不俭。俭以成廉,侈以成贪,此乃理之必然者。

虽贵为天子,衣服不过适体;富有四海,而每日常膳,除赏赐外,所用 肴馔,从不兼味。此非朕勉强用之,实由天性自然。汝等见朕如此俭德,其 共勉之。

训曰:世之财物,天地所生以养人者有限,人若节用,自可有余,奢用则顷刻尽耳。何处得增益耶?朕为帝王,何等物不可用,然而朕之衣服,毫无过费,所以然者,特为天地所生有限之财而惜之也。

圣祖讲筵绪论曰:国家财赋出于人民,民力有限,当思樽节爱养,则国家常见其有余。每见明季诸君,奢侈无度,宫中服食及创造寺观,动则数十万,我朝崇尚朴质,较之当时仅百之一二耳。